

四庫全書

史部

欽定四庫全書

史部
福建通志卷五十

詳校官監察御史臣陳化龍

檢討臣德生覆勘

總校官檢討臣何思鈞

校對官中書臣張曾炳

謄錄監生臣徐如灝

欽定四庫全書

福建通志卷五十

孝義二

延平府

晉

廖貴

將樂人事親至孝不樂從仕隱居桃源生七子皆有才名孝友無間世稱七賢同芳

宋

廖恩

將樂人與弟倫俱精武事值寇作邑令禮聘之父在末敢許歸謀於父父曰若能為國家効力奈

何以老身稽乃公事兄弟出應命遂率子弟百餘設奇誘敵執渠魁吳三郎等數十人寇潰餘黨悉平後以守邊為刺客所中贈左右金吾

林震

字有則尤溪人性至孝色養無違居喪盡禮初為保昌尉改知建陽調石城所至首飭學宮豐廩餼

以厚弟子員又脩治橋梁散濟藥餌朝廷欲試以郡力請管庫歸自名其園曰廉白

陳髦

將樂人性好施每歲發廩賑貧隨其自斛不計償貸間有償者必置一木錠於斛中示不全取鄉人

頌義稱曰太君

羅義明

順昌人少有勇畧尚氣即建炎間郡寇俞勝等犯境勢張甚義明隨其父率鄉兵禦之力戰不支父子俱死

王必正

尤溪人紹定初除漳州通判累官朝請大夫尚濮雍懿王女事父母一飯必躬親與兄必學必

讓敦友愛嘗以郭外田五百畝創義倉資族人又設義塾延師以訓族里子弟子四慈菴惠愍皆登進士第

倪閔

沙縣諸生家饒好施每出以錢自隨遇貧窶則擲於其家不問其知與否歲大饑道殍相枕藉閔濟以米粥活者萬計及領鄉薦至京師鄰人多夢豎旗里閔書曰饘粥之功是歲果魁特奏授寧國府教授

出私帑取齋舍置學田秩滿陞廣東提幹

鍾元龍

將樂人寶祐二年夏水漂田秋霜殞稼閭里告歉龍發倉廩減價賑之所活甚衆卒朝廷命有

司營葬
建祠

元

郭居敬

尤溪人博學能文性篤孝親毀哀盡禮嘗撫虞舜以下二十四人孝行之概繫以詩用訓童

蒙歐陽元虞集欲薦之居敬力辭不就

明

謝伯衡

南平人永樂十年洪水暴漲父柩漂流衡躍入水中抱柩號哭頃之泊岸人柩俱免遂出貲卜

葬置祭田不責諸弟人以為孝

陳琴

字汝諧沙縣人恤貧濟乏出於天性凡死無以歛病不能醫者率以財賑之宣德初授戶部主事琴

以母老乞終養朝夕承歡累徵不起

白必安

將樂人正統十三年沙尤賊寇城凡四十六日安自僱木鐵匠日造銃箭分給禦賊城賴以全

賊平後苦饑又出米二百石賑濟三華橋燬於賊天
順二年捐貲募建復出粟三百石輸官詔賜冠帶旌
義固辭
不受

林森

字廷茂順昌人正統戊辰冠起諸兄弟各匿去森
獨負母而逃路拾寶珠一顆遇賊欲殺之森哀求

以老母無託出珠獻之賊喜母
子俱得免人以爲孝德之報

劉汝懋

字文郁沙縣人正統戊辰鄧冠攻邑汝懋巷戰
運槩如飛格殺數十百人忽槩折後援不至力

疲坐石上賊環視不敢近但曰從我
我尊汝爲帥汝懋罵不絕口遂遇害

曾仙廣

沙縣人有至性正統戊辰鄧茂七縱火焚縣廣
兄弟俱幼引避半溪俘之弗從挾之以刃兄弟

爭死乞留一以奉寡
母賊憐而兩釋之

廖得金

南平人世業農自曾祖以下五世合爨婦女晨聚一堂治女工男子治農業雍睦無間言飲食

衣冠尚質樸

有古人風

郭延壽

南平人以任俠豪鄉里間與蔣伯良為刎頸交鄧冠之亂同起兵相犄角嘗乘勝逐賊至沙縣

小洞洋賊設伏於黃竹坑力戰死伯良聞難引兵力破賊黨求遺骸於亂屍間葬之

陳宗篆

尤溪人正統間與兄宗寬為鄧茂七所掠篆計脫其兄賊露刃嚇之曰速獻爾兄不則殺爾篆

曰即殺我豈賣兄求活耶賊怒牽出篆引頸受刃

陳文蕃

尤溪人兄子為鄧茂七所掠索重賂貧無以應惻然曰姪死兄無後矣遂赴賊壘賂守者陰縱

其姪蕃

遂過害

卓祖福

尤溪人鄧茂七之亂積尸遍野福施棺收埋亂後大饑施粥通衢全活萬數人多其德

陳真應

宇岸聲沙縣人好善樂施正統間歲歉大發廩為粥以食饑者鄧茂七既平餘孽尚伏山谷寧

陽侯遣真應往招之衆即悉降詔旌為義民給冠帶

黃鎮

南平人事親以孝聞兄弟三人不忍析箸二弟繼歿撫諸孤如已出教誨而成立之又構社學建橋

梁鑿石以通纜道商民頌之

林復生

尤溪人與弟敦友愛舉家雍睦不肯異爨天順二年歲大饑奉詔輸粟賑濟旌給冠帶兄弟相

讓不肯受職服有司

以聞詔建坊特表

樂哥

字景福尤溪人嘗割已田八十畝以贍從子從子轉質於人復贖還之召與共爨待之如初天順間

嚴寒輸閩邑寒衣成化間
大歎輸粟賑濟邑人頌之

游琪

南平人與弟禧祐同居共爨家三十餘口飲食衣服均平有法長幼出入先後有序天順間郡守旌

其堂曰

雍睦

李富

將樂人襁褓失父甫六歲問母曰阿父安在母曰而父喪富頓蹙感泣下年六十喪母廬墓終制謂其

子曰吾蚤喪父母在未服令母制終父服不可以已遂設位而哭補服三年督學朱衡旌其孝

林應芳

南平人弱冠扶父櫬於楚南舟逢颶作抱棺溺水浮沉不舍忽觸沙岸得全見者異之

賴豫

永安人幼喪母父惑堪輿停柩未葬厝郭外豫每念及愴甚嘉靖丙辰五月大水豫同僕渡河繫棺

於樹哀哭僕促登舟不從俄而水盛拔樹推棺遂偕溺歿二日獲其尸如生

陳潮

永安人父千戶陳燦嘉靖三十六年流寇入境燦督兵往勦潮從行賊奄至燦被鎗仆地潮以身覆

之流血遍體

死遂負父以免

陳赤美

永安人幼喪父竭力養母母卒貧無以葬賣身為市家傭葬父歲餘拾遺金以自贖會督府募

丁壯征倭赤美與焉福清之戰督府陷賊伏中赤美力護以出猶奮刺二倭後勦海寇縛賊首楊益擒二

十四將英

聲大振

虞廷桂

順昌諸生父喪家貧教授養母尋以貢授廣東蒲司都事謂路遠母老迎養實難辭不之任

陳焯

尤溪人家貧事親必備甘旨妻林氏亦孝謹勤紡織以佐之邑令梁廷欽歲捐俸以給

黃鏜

南平人父歿停柩未葬流賊夜劫鏜守柩哀哭賊見之相誠不入其門

鄭士元

順昌人少失怙母痼疾二十餘載士元以積善所致彙生平苦蹟六十五事焚香白神以為祈

禱母果愈壽八十卒哀毀

廬墓泣血三年詔予旌表

李杏

字子芳永安居父喪哀毀骨立嘉靖乙酉領鄉薦北上中途聞母病即奔回族戚贐金悉以分還

母卒喪葬一遵古禮後累官至四川水利僉事饋遺一無所受致仕行李蕭然年八十二卒遺命服用布

素母俾越禮鄉人頌之曰居鄉居

官功業一致事君事親忠孝兩全

王舉尹

永安人性至孝為鴻臚典禮一日謂僚友曰吾心忤家有老父起居恐未安遂乞歸養至家父

已病革一訣而逝尹哀慟

不欲生終制後徵召不起

吳以敏

將樂人父客死於粵隨母育外家甫三歲告以父故即涕下長游郡庠馳入粵負骸歸葬母得

羸疾數十年湯藥未嘗少懈流賊陷城被執遇害邑人悼之

樂文元

沙縣人以貢授南海訓導嘉靖丙辰大水沒城郭文元祖母年八十餘病不能避文元負之登

屋方置祖母屋上前簷已朽陷矣文元入水有物負之而出人咸異之

黃中正

永安諸生山寇陷城中正義不受辱取十數繩繫合家男女令自盡長男良詔婦李氏俱自縊

時諸生李東鐸以罵賊自經林馥以守城被殺皆同時死事者

官永仁

沙縣人五歲喪父母朱氏矢節永仁事之曲得歡心母性樂施所有粟帛任其分濟毫無難色

母病籲天願減已算及卒哀毀踰常隆慶初詔旌之

陳倫

尤溪人自始祖壽山至倫凡六世同居皆無私蓄長幼雍睦今隸大田

吳順德

順昌人家貧負販為業出必問母所欲或得珍味必懷以奉母母年八十餘順德年六十猶時

歌唱以悅母人比之老萊子

盧大本

順昌人事母孝事繼母尤謹居喪力行古禮不事浮屠建宗祠置祭田邑東濟橋久圯捐金募

建鄉人

頌德

黃鐸

尤溪人好善樂施鄰有負債鬻子者鐸惻然曰何至於此如數贖之建社學延師以教鄉之子弟造

林口等橋八座砌廬坑石路七十餘里

皆捐已貲傾囊不吝遐邇咸頌德焉

廖仁端

順昌人少商金陵族弟入南雍寄白金三百暴卒端為治殯其父至悉還之又為叔祖償豪債

五百金經紀其後事母病衣不解帶父年七十起居溫清不離側邑令欲旌其孝謝曰端得孝名置諸昆

何地力辭時大旱禱雨不應邑令
曰必廖孝子造廬而請夜果大雨

盧甫立

順昌諸生父官於潮邁病重跣奔馳省侍促父
歸家卒喪葬盡禮讓祖屋於伯父分父俸餘於

二叔族有不能婚葬者
捐貲助之著有存思集

朱子盛

順昌人性至孝賀遊湖山一舉箸惻然念母凡
母所欲細及瓜果必市以獻鄉有夫死鬻女以

殯者女涕泣欲赴河子盛捐貲贖之
歲歉賑卹鄉閭無德色邑令旌之

黃文訪

沙縣人重孝義好施與嘗捐所居宅千金以建
宗祠仍割租四百石以供祀事有餘以贍族中

不能婚葬者遇歲凶輒發
粟賑濟守令數旌其門

吳觀濶

字有本郡諸生性樂義精醫理歲歉出粟賑貧
繼又大疫施棺二百具以埋殮者郡守孫衍以

禱雨卒囊空于幼為治後事衣衾棺槨
悉從豐厚巡按旌獎之年八十八卒

陳俊秀

永安人萬厯己酉任臨清判賑恤饑寒樂善不
倦或慮其不繼俊秀曰吾心如此初未計力也

有負秀者不能償即焚其券一日遇虎於途人呼之
走俊秀登石避之所立石即虎也復呼之方下石虎
咆哮去人咸異之

林潤綦

南平人父歿於官時綦已歸試聞訃重跣扶櫬
歸督誨二弟舌耕以養母崇禎癸酉領鄉薦赴

京謁選臨授忽心動即乞歸母果抱疾後家益落就
歸化諭甫蒞任又忽心動假歸母病革待以瞑目以
過哀卒著有詩文集

國朝

盧菁

沙縣人順治戊子負寡母避兵祭源虎踞嶺曲倉皇莫避菁以身先母號曰寧噉我母傷吾母虎俛

首去

聶昇

字初暉永安人讀書勵行兼通醫術嘗捐修貢川之砂筆倡建水尾之石墩鑿引狹狸坑水為粉榆計歲歉收即減價予糴兼賑卹之平生敝衣苴履有急難叩門者未嘗不應以子儆貴贈文林郎

熊大賓

尤溪人五世同居年躋大耄

羅基

字克翬沙縣人年六歲侍母疾晨夕不離躬奉藥餌常有淚痕母卒哭泣拜奠如成人唁者異之父娶後妻基事之曲得歡心兄弟

八人友愛雍睦為鄉閭所重

嚴二如

尤溪人家貧課讀嘗道拾遺金五十兩坐待其人還之人以為矯二如笑曰古人還帶先我而

矯之

矣

陳趙壁

沙縣人鬻身葬父母孀居負薪以供菽水巡撫吳興祚區旌之

徐日森

將樂人六歲時能奉湯藥比長貿遷於外忽夢父病馳歸父果呻吟牀褥尋就愈後父母俱八

旬生平所置產悉署父名均分諸弟雍正六年旌表

廖鼎佐

將樂人順治戊子豫寇郭天禧陷城扶母避山中聞父被執即奔起求釋願以身代賊并釋之

方奔赴時鼎佐止一子病且死不顧而去及歸子已死誠其婦曰兒可再得勿哭哭則老人知也雍正七

年建坊

旌表

廖悅

將樂人性至孝年未冠父為奸民所執奮身奔救罄貲以贖得免奉事至親定省不懈親歿廬墓

終身雍正九年

詔旌其孝

建寧府

唐

熊袞

其先南昌人避地入閩居建陽昭宗朝袞為吏部尚書性至孝時當亂後例無俸給父喪不能葬天

忽雨錢三口乃畢葬事餘錢悉

以輸官人稱為忠孝雨錢公

劉常

建陽人性至孝遭父喪廬墓七年有芝產於庭刺史以聞詔旌其里曰忠孝里

宋

郭孚周

字仲先建安人居母喪哀毀篤至廬墓三年郡守欲以八行薦力辭嘗從東坡遊甚見敬禮子

澤仁登
進士

劉民先

崇安人熙寧間累與計偕不合慨然曰吾親老矣豈宜日離膝下於是屏居奉養惟謹後以特

奏釋褐民先有喜色曰吾豈貪一命者顧藉是可榮吾親耳及親卒廬墓三年終制不復仕人稱為孝子

王佐才

字昌輔崇安人建炎間范汝為竊發佐才總義兵禦之以功補承信郎吉州水軍統領與賊吳

魯義戰中流舟壞而歿尸僵立舟中不仆吉人立廟以祀

胡師徐

字宗武崇安人紹興十八年進士少孤事母盡孝為鄉閭所推朱熹稱其操行純篤遭母喪廬

墓三年自以祿不及親竟不仕而卒

雷覺民

建安人性至孝父將得官卒其祖悲念不已覺民杜門攻苦期繼父業以慰祖懷逾十年第進

士祖乃喜出知南華遣女置婢既
知為宦家女惻然為擇賢士嫁之

張以中

名禧以字行甌寧人仕至都提舉父沒訃至哀
毀慟絕自以親老在堂一官繫足生不能養含

不及視哭死道中
詔旌其門曰純孝

胡淵

字澤之崇安人有至性親老家貧授學浙江歲終
度親所須力所能致者悉市以獻後以母微疾不

復遠遊即里閭教授晨夕歸省諸生饋食有甘旨持
歸以佐母膳及子安國貴淵悉分其俸給以贍族黨
之貧者累贈光祿
大夫游酢銘其墓

詹復

字仁仲崇安人景定中登第為金華令政尚簡易
迎母就養敦請再三母憚遠涉不往復寄詩慰母

遂辭政而歸
以終孝養

陳子文

浦城人樂善好施歲大歉子文出藏穀減價
值以濟貧民真德秀為作勸糴詩遠邇頌之

劉元振

字君式崇安人少沉靜有器識季父勲當廢子
將屬元振元振力辭與其弟玆人多其讓弱冠
遊太學時士尚文華元振志不苟合歸告其親曰兒
為志養不為祿養矣遂不復舉進士子勉之為世大
儒

黃昭武

甌寧人剛毅有謀德祐間饑饉頻年所在奪食
昭武出粟賑濟告之曰若等當自愛身家毋效

彼倡獍衆

俱帖然

楊達卿

建安人家素饒里人以債逼將鬻妻達卿如數
代償之值歲饑欲發廩賑濟而嫌於沽名乃募
民種樹問日需口食多少給之粟數歲木長誡子孫
毋自利以給居無室廬歿無葬具者邑脩學校倉庫

橋梁皆取材焉郡守阮德柔作萬木圖以美之

童僧

字仲州甌寧人志尚忠義嘗佐州兵擒逆賊李如海授建安縣籌嶺巡檢司不就景炎末謝枋得信州兵敗入閩見僧英偉以詩勉其共襄義舉

元

祖浩然

浦城人至元中盜起掠浩然母去母子相失二十八年至大間浩然為三山院長或告以母在河南即棄官去求之三年得母奉以歸人比之朱壽昌楊載為作孝子傳

葉雋

松溪人至正間父死於賊雋募壯士入賊巢殺其巨魁載父屍還事聞授同知辭不拜

黃昌元

松溪人三歲而孤事大母以孝聞至正十三年紅巾賊破松溪昌元以克復為已任傾家財往

龍泉募死士三百人同社甲數百奮勇先登賊皆潰散邑賴以全

徐添祿

建陽人鄰有鄭氏者埋金於地後人不及知從他所故廬地壞添祿治水溝發石得金曰此鄭

氏物也召而還之

季子奇官至布政

明

楊伯安

建安人洪武初被薦以母老辭不就兄伯祥守庾損糧罪當死伯安請於母曰兄未嗣而兒有

子請代母泣而從之詣獄歲餘臨決忽遇赦人以為孝弟所致

陳榮

甌寧人少孤事母至孝母病眼翳榮以舌舐之翳忽開永樂間建城大水母子附木漂流數百里至

福之螺洲遇潮衝達岸得不死又鄰人失火延及母樞榮哀號奔救風反火滅人以為孝感三奇詔建坊

旌表

童文貞

甌寧人永樂間鄉人陳銅謀不軌詔勦之時總戎欲屠其境貞挺身乞招捕元充免害良民願

以家口為質總戎允其請寇平鄉人德之

陳善安

字存誠建陽人幼習韜畧正統戊辰沙尤寇鄧茂七等肆虐近郡善安散穀募兵與邑人王雅

屢敗賊於大閘屯興上里等處斬獲賊首吳記保等十餘人縣境晏然總戎奏錄其功除建寧左右衛所鎮撫予

世襲

朱洵

建陽人熹裔孫性樂施不望報嘗行樟灘有遭溺者急救之復給以貲不問姓名而去後知為子謙

也謙貴顯會朝議聖賢後置博士謙舉洵檄下建陽洵曰吾族在建安者為長宜承謙愈高其行誼

羅佛童

字均善甌寧人正統間與馮宣范宗南范永清等糾衆拒賊明年又與馮宣隨征高陽寇至大

孤嶺陷陣死事聞錄

功賜其子善真冠帶

蔣伯良

建陽人少貧販鬻尤溪市正統間沙尤寇陷城邑伯良率子弟應募所至克捷累功遷建寧左

衛指揮同知伯良短小精悍多智謀嚴刁斗信賞罰姊子犯令按法治之每遇敵據險設伏不為浪戰屢

建奇

功

李埜

建安人正統間沙尤盜起民逃匿山中恐少爭謀槍掠埜諭之曰若輩求粟耳何故自罹死地指囷

授之恣其

負擔而去

陳閻

松溪人早失怙事母必備甘旨抗賊陷縣閻負母逃匿山林得免母終廬墓三年朝夕哭奠聞者感

弟

黃應童

建陽人好施與正統六年歲大祲有詔勸富民賑貸應童出穀一千石輸官以為民倡官上其

事詔旌義民勞以羊酒時又有王鎮楊相吳伯起者皆出穀千石助賑

楊讓

字允謙建安人孝友敦睦歲散粟以周貧乏又購田二頃以給宗族嫁娶喪葬不能為禮者正統間

沙尤寇發劫掠鄉村民居悉燬過讓廬獨相戒勿犯一村賴以全活

夙道暹

字士彰松溪人景泰初賊攻縣暹奉檄詣賊營撫諭計擒賊酋二十餘人招撫民人一千餘衆

天順間流賊聚劫都邑暹招民壯輸糧餉竭力防備親犯矢石斬獲賊首張記得等境內以安鎮撫上其

功授本

縣巡檢

趙陞

政和人性至孝成化間學使者周孟中按訪孝子聞陞名召至問狀對曰吾事吾親何敢言孝孟中

歎服

王憲

政和人輕財好義成化中歲大歉憲發米二百石散濟饑民僉事章懋聞之深加獎勵

張德

松溪人嘉靖間倭寇攻城相拒三閱月倭造天車高與城齊一倭舞大刀登城衆驚走德斬之餘倭

尾而上德悉砍落城下以火具擲燒其車倭遁去明日復來德不避中彈死里人立祠以祀

陳椿

松溪諸生嘉靖間倭寇圍城衆推椿督守知縣王賓欲解和椿弗聽曰今日之事有死而已與曹成

等迎戰自晨至晡大敗之明日復來椿得奇士潮狗者設伏而戰又大敗之倭遁去邑賴以全

范敬

政和人以孝謹寬厚傳家嘉靖間浙江盜起入政和曰此善人里也相戒不入一村賴以保全

陳脩

政和人慷慨樂義終身不倦邑有倪屯渡行人病之嘉靖三十五年脩相址創造名曰起虹邑東獅

山舊無路行者悉從水許往往顛躓脩僱匠鑿石遂成坦途壬戌島寇陷城殺戮無數僵尸遍野脩僱人瘞之右叅議黃希

憲義之旌其門

劉楫

字汝濟建安人嘉靖丙辰歲饑楫捐粟賑濟已已邊儲匱急楫願輸粟萬石助餉都御史上其事詔

授指揮

僉事

張竣

建安人萬厯中貢生性純孝父病失明竣以舌舐而愈母范氏年九十三敬養如一日司訓沙縣陞

金華諭以朱熹白鹿

洞條教約束諸生

胡本

建陽人性至孝父喪廬墓三年手折腳鐺旦夕啜餲粥每昏夜風雨倚廬哀號聞者為之悽惻

林釗

字世用建安人早歲喪父力藝以供母母有足疾釗負以出入終身無倦性好施與常鬻田以賑貧

乏壽百歲萬歷

間詔賜絹帛

邱述樂

崇安人萬歷間洪水暴漲母柩為水漂流述樂抱柩從波上下不忍舍去忽近洲渚鄉人救之

乃扶柩歸子珊玉侍母病遇賊以身衛母被害世以孝稱

孫椿

浦城人性篤孝母病刲股和藥得愈父赴里社讌集雖嚴寒酷暑椿必潛伏戶外讌罷扶以歸父年

九十三椿年七十猶孺

慕不衰人目為老萊子

程文楷

松溪人性孝謹母冬月病篤思食生蓮子楷讀書妙峯山憶池泉獨暖蓮多遲落走得一莖啖

母母遂愈伯父無子族弟爭嗣郡守判楷應繼有田六十畝楷不受請以半奉伯祀以半讓爭嗣者郡守

高之贈以手劄曰孝感青蓮如生孟笋讓追孤竹再合田荆命書其事於學宮以風士類

劉天熙

建陽人性尚義劉氏族蕃多不給天熙創義田二百畝以贍之有貧而鬻婦者券成矣天熙如

券償之俾完聚以老終身無德色卒年八十五

袁紱

字行甫建陽諸生後游太學事親至孝尤喜濟人緩急貧乏扣門傾囊不吝前後焚券不下數千緡

子孫化之皆仁厚有禮法里人感其德家為像以祀

顏繼齡

建陽人母沾癰疾十八年奉事未嘗少懈及卒廬於墓側三年猶不忍歸置義田以給宗族建

義塚以惠鄉閭當道旌其孝義

朱柱石

建安人父歿母金氏哭之喪明柱石禱於天忽遇異人授已藥母目隨愈崇禎丙子歲大歉柱

石開倉捐賑全活
頗多年八十三卒

裴崇

建安人幼喪父事祖母繼母以孝聞憫俗火葬捨棺施地澤及白骨每逢歲歉發粟平糶鄉人德之

邵棟

政和人守正崇禮杜跡公門倭變後出積粟以濟瘡痍凶歲發粟皆減直尤篤宗族緩急隨應

徐彪

浦城人幼失恃父嬰喘疾日夜調劑藥餌進必先嘗强笑承歡退則含淚父卒哀毀寢苦無間寒暑

刻木事之年八十餘猶扶節登墓潛然流涕鄰人蔡四貧將退婚憐而代娶四曰無以為養又調給之

周思

字子睿事父母色養備至嘗刲股以愈親疾及親卒葬龜峯朝夕望峯而泣因自號見峯子著有見

峯集

徐瑫

字上獻浦城人以勤儉起家有子六人一日至庄所庄鄰有富而艱嗣者其婦夜潛至瑫寢瑫叱而

却之卒諱其事有吳廷保李按者以負債驚妻孥瑄捐貲代償完具夫妻子母後孫民式貴顯世傳為隱德不

劉德潤

字見南浦城人性篤孝母年九十四奉母若嬰兒溫清不離側子孫滿前德潤一日不見母不

安母一日不見德潤亦不安也

丘性

崇安人年十六祖父述聖為賊所掠性給賊曰祖老且病請身質營中俟祖歸贖我賊然之隨目祖

曰行矣祖去速性赴水死

國朝

黃學朱

甌寧人郡諸生順治間陳德容作亂學朱及弟被執度難兩全給賊曰家有薄業釋吾弟歸以

其直贖我何如賊疑之欲遣學朱學朱曰我諸生也質重於弟賊信之釋其弟歸實無業可售學朱遂遇害

方鳴鶩

建安人郡諸生年五十始生一子弟憐而弄之墮地死弟驚不知所為詣鶩請死罪鶩曰嗟乎

此我薄德所致弟豈殺吾兒者後娶妾舉兩子長域敷丙子舉人

張其顯

字含光建安人郡廩生山寇夜警其顯負母逃避遇賊將被殺其顯曰張含光死不足惜賊驚

曰孝子也耳名久矣幾誤殺之舍而去

朱汧

建陽人少失恃事繼母江氏至孝陳德容之亂劫掠鄉村汧棄子負繼母逃子泣仆地里人憐而攜

之得

俱全

魏文焱文煥

甌寧人兄弟孝友煥少穎異父愛之父卒焱以父遺田讓煥煥曰兄以讓成弟之貪

乎不受奉為烝嘗邑令聞而義之扁旌其門煥康熙癸巳恩科舉人

暨世治

崇安人耿逆之變父被賊掠世治賣身以贖父嘗病癰以口吮母有足疾躬為按摩兄以非辜

繫獄訴冤請代邑令義而釋之

江清

崇安貢生耿逆之變義不屈節事親左右無違著有
家訓日知錄等書雍正二年舉孝廉給六品冠

帶

陳啟秀

甌寧諸生幼失母父娶後妻啟秀事之彌謹祖母老且病朝夕扶持不離側有貧欲鬻其妻者

傾囊贖之年垂七十猶日書程子四箴以自警

暨警盤

崇安人性至孝母年八十九警盤年亦六十六冠至母老病盤長跪為母乞全遂遇害

黃旋

字元吉建安人性孝友母病目以舌舐之得復明兄死撫從子如已子有鄉人童某黃某為豪右索

通童出其妻黃欲赴河死旋出貲代償其負又於城西置義塚以葬遺骸橋梁道路傾圯者悉脩葺之鄉

人咸高

其義

丘峻極

崇安庠生好學工文事父園能以色養家故貧而門內怡然若有以自得鄉黨咸推重之雍正

三年 詔

旌其門

邵武府

唐

黃桓

邵武人母喪廬墓三年有芝產墓側貞觀間旌其閭邑素無鶴時巢於墓人稱其地為鶴林坪同郡

張巨錢母喪廬墓十三年觀察使李承昭奏蠲其家賦役吳海母喪亦廬墓十三年墓側產芝二十莖時

稱三

孝子

宋

鄒長孺

秦寧人幼篤學仁宗時與太學試居上第聞父喪哀毀踰禮自京師至家三十餘里冒暑跣足

歸廬於墓

有芝產焉

上官怡

字友先年十六試太學第一母年高羸疾暑月晨夕侍側以驅蚊蚋常逾月不寢居喪致毀二

兄繼歿奉嫂撫

孤敬愛兼篤

鮑老

邵武人事母至孝母病革老刲肝啖之插於脅探肝未得忽聞空中語云蹲地從之肝即出以進

母病

隨愈

危一

光澤人家貧業樵靖康中二帝北遷一聞之哭三日骨立而死

何福

光澤人幼孤行傭於鄉養母孝同邑有上官超母病刲胸取肝進之遂愈

李純德

字得之光澤人少治周禮兼左氏春秋事親至孝友愛諸弟遇族黨有恩有死喪則為經理家

事資助婚嫁遇貧乏推解不倦以特奏恩將入

廷對未赴卒朱熹銘其墓以好德有常稱之

梁從實

光澤人淳熙間歲歉盡發所積以賑饑近者餉以角黍遠者遺以米日計數百人終其身凡遇

歎皆如之州縣

監司旌賞焉

上官濟

邵武人淳熙間父病篤濟鑿脛取髓其妹二娘同時割股為湯以進父病遂愈縣官給錢米酒

帛以旌異之

高談

字景遂光澤人紹定間盜起諸子請避談曰四方皆盜區無可避者及盜入諸子又請談曰有廟祐

在將安之盜執之謂曰吾方東破武陽爾能率是鄉子弟從吾乎談唾賊大罵遂遇害

張士昂

邵武人祖病士昂年甫孺焚香告天封股為羹以進祖病愈郡守旌之

何宗善

邵武人事兄嫂撫孤姪曲盡恩禮同邑張子惠字仁叔少失怙恃奉叔父如親愛堂姪如子鄉

人咸以孝弟稱之

李穆

字景仁光澤人商於淮主家病疫夢崇告曰明日長者至吾屬遠去平明穆果至病者償以絲麥穆

欽定四庫全書

曰乘病取財罪莫大焉金陵饑運米數千斛平糶後孫邵官至太守

元

郭回

邵武人性至孝家貧竭力養親母年九十八卒備身得錢以葬每旦詣墓哭祭如是者十有四年詔

旌之

張子英

建寧人幼孤奉母獨居元季盜起妻子俱被掠子英負母逃寓黃溪傭書為養母思婦孫寢食

不安子英跪曰但得母安妻子可復還賊退奉母歸故里妻子亦果得還

馮順德

建寧人早喪父奉母王氏至孝飲食必親供遭寇亂負母逃於山谷母多病順德終夜不寢勵

志學醫親調藥

物母病遂愈

丘敬

建寧人幼孤母為寇所掠敬求之不得乃刻木肖像晨昏侍奉以致孝思一夕妻饋奠悞侵母像仆

地敬哭泣幾絕卜

葬後又服喪三年

陳道

邵武人父樵為虎所噬道持挺奮擊虎舍父噬道啖之盡鄉人為歛其父屍葬焉

馮真卿

建寧人元季紅巾寇起真卿召募義勇戮力禦寇又出已貲創縣治建學校造橋梁年八十一

終

明

龔仲賢

光澤人父早喪母吳氏紡織撫養底於成人洪武壬戌母以壽終仲賢痛念不已即母誕辰刻

木肖像衣服飲食出告反面奉之如生妻王氏亦與偕敬凡十八年如一日

廖彥舉

建寧人少孤隨母陳氏依外祖為命會歲歉彥舉傭力養母未幾母卒弟彥銘甫九歲鞠育備

至比長挈以歸經營成富室生平尚義樂施永樂間捐貲造龍星鎮安二橋砌四門官路建縣堂及預備倉正統十一年饑捐穀五百石賑濟十三年勅表為宣義郎建坊旌之同邑有黃岳生楊旻旻子楊淳余陳生余彥名劉世忠宋耿蕭恭保李伯和李貴安余得安黃忠美羅保陳貴安邱子良宋汝春各出穀一千石助賑奉勅獎諭

李綱

泰寧庠生正統戊申沙寇作亂綱匿山谷中遇寇迫脅從逆綱以義斥之賊怒令跪不屈罵不絕口死

江元鼎

泰寧人常施棺二百具每具加米一斗以資埋葬鄉人德之

江寧宗

泰寧人正統間與兄寧祖奉父母避寇日久乏食寧祖出求糧為賊所縛索財不得欲殺之寧

宗聞即奔請代寧祖曰吾有子不為無後弟亟歸善養父母寧宗曰弟冥頑蠢愚養父母非兄不可乃謂

賊曰家財悉掌於嫂兄去乃可得也賊聽寧祖歸踰日無耗遂為所殺

陳順寧宗佩

建寧人鄧茂七倡亂鄉民推順主盟順與宗佩練集少壯是冬寇屯軍口二人統衆

與戰宗佩死焉妻朱氏聞變自經順復與戰手殲十數人力竭被害鄉人立廟祀之春秋官祭

李祚

建寧人友愛樂施與父有未析產兄子以百金求為已物祚不受金義讓之姊貧置田屋以贍其家

所著養閒集有世情勘破只如此好向西亭借一閒之句

李文通

光澤人正統中兩出粟賑饑先後輸五千六百五十石賜勅書命有司旌獎除其徭役同時有

王貴鄭旻周志和李文讓梅清
並出穀千石備賑賜勅褒諭

湯彥清

邵武人樂善好施嘗出貲建新鋪等橋正統九年大饑彥清散財施粥兩月全活甚衆子榮字孟顯景泰六年饑疫榮施死者棺有不能葬者募工瘞之後以貢入太學任台州府幕平恕好善雅有父風

張慶受

邵武人家貧執技自活積數十金以無子娶妾得一少婦頗艷入帷見婦背燈泣詰之曰妾夫負官糧驚妾償耳

慶受惻然竟歸之

吳茂寅

邵武人正統十四年饑冬十月沙寇作亂寧陽侯陳懋尚書金濂統兵討之因缺糧茂寅輸粟

千斛充餉詔

賜七品冠帶

鄭和 泰寧人正統間沙尤盜起尚書金濂統兵臨邵試諸生和居首遂委以招撫之任且為民陳脅從之

由得全活者數十人居父母喪齋蔬饘粥三年不衰

甯堅

字永直邵武諸生事母孝時館於外聞母病馳歸即入卧內侍起居夜則假寐其側衣不解帶數旬

未嘗一入室母愈乃止成化間領鄉薦任鳳陽同知

朱汴

字希程潛心正學事親孝親歿喪葬一遵家禮廬墓三年嘗拾金三百待亡金者閱月不至遂以給

鄉之貧乏毫無所取

陳孟溫

建寧人父歿廬墓三年嘗有白兔烏鴉集墓所有司為立孝子坊從子翰一父病篤嘗冀驗瘥

劇母日久盲古猷之明如故

欽定四庫全書



郭冕

字宗周光澤人家貧父病漏腮親吮膿血日夕祝天願以身代三仕教職陳情歸養者數四母患目

舌絀之復明當道表閭給廩帛旌異

蔡元貞

字吉夫郡庠生純謹篤學父疾久侍湯藥竟夕不寐事母視顏色為憂晝夜侍寢有妹早寡

卹其疾苦勉以節義歲饑糶價取半郡守史紳以孝義旌其門

朱昂

字德夫郡庠生穎異有文才嘗從教授周衝講學銳然以聖賢自勵事二親孝待戚屬仁郡守吳國

倫稱其有古人風

堯世美

邵武人事蔭母菽水為歡推賢田以讓叔領嘉靖丙午鄉薦

徐堅

字介石邵武人孤貧力學每作粥不足輒以野菜雜之以貢任南雄訓導秩滿歸叅議歐陽栢為堅

門人分守邵武常造其廬不以私事相干一日栢問以貴邑有何景時催徵稍嚴急堅佯對曰別無他緊惟一條鞭繫耳栢諭意從寬栢欲以官洲地給堅治生堅念居民芻牧無所辭弗受年八十八卒

宋子建

建寧人嘉靖間潮汀山寇蹂躪邵延諸屬邑令吳金命子建率鄉勇逐賊於寧化境外獻馘軍

門後又屢戰獲勝冠焰以熄

王顯

字希文邵武人母病盲以舌舐之母目復明母卒卜葬會天大雪寢處樞傍凡三晝夜雪霽葬畢始

歸撫兄子如已生取私產均分之

廖霖

建寧人性淳篤事親孝邑有鎮安橋其祖彥舉所建嘉靖九年圯於水邑人病涉霖捐已田數十畝

重脩當道義之

朱約

字守一邵武人慷慨好義嘉靖間流寇薄城編戶為守比鄰在役者約晝夜為粥飼之又設義塾延

師教里中子弟家有保嬰方捐金

製藥以施全活甚衆年八十餘卒

何池

字澄玉邵武人稱貸貧者不取息遇荒平糶施粥嘗助建畫錦橋脩砌山路四十餘里行道頌德

雷澤

號坦齋泰寧人事親克孝每應人緩急不責償亦不厭數負販者過門必多與直人怪問故答曰彼

勞筋骨以規錐刀曷

忍利之聞者嘆服

李純行

泰寧人幼習儒以親老就賈食指四十口猶不忍分析嘉靖辛酉流寇入城民皆竄山寨純行

被獲劫問鄉民藪穴何在純行死不肯吐以所懷十

金與之寇遂去後出賈兩京輒空還或問故曰某客

死吾贈之某遭風失貨欲自經吾活之郡有武弁客

損於京窮不能襲贈之金俾世其爵載之歸自是貲

漸竭猶濟里中之待舉火者嘗訓其子讀書非為溫飽須以聖賢濟人利物為心云

王坤

泰寧人嘉靖庚申楚兵回閩沿途肆掠父炳為兵所獲坤奔懇願代兵並執於杉津橋鞭朴之體無

完膚後釋其父令贖其子得全歸

高尚賢

邵武人善屬文淹貫百家幼喪父事母孝待弟友愛貧不能娶郡守吳國倫聞其賢為之婚後

應萬歷丁

未歲貢卒

葉慶二

邵武縣之龍鬬人幼善操舟延平下十里許有潭焉龍藪其中而無尾俗傳見者吉慶二泊舟

潭側早起見龍負舟亟以衣覆之龍蜿蜒去自此貿易果倍息不數歲積貲鉅萬好與賢豪長者交尤厚遇貧士自水口至杉關凡橋梁道路之傾圯者脩築之置義田於學以資考課人曰富人多矣不圖操舟

慶二乃

能如此

李泰

泰寧人家貧傭以供母稍得甘旨必躬執爨以進冬寒傍母寢夏則先寢母牀以餒蚊蟲母壽終泰

哀毀甚不

兩月亦卒

李文憲

泰寧萊傭也縣有畫錦橋久燬文憲忍饑積錢獨力重建每遇水漲竭力防守人皆義之邑令

旌其門

江桂馨

泰寧人性孝行潔樂施不倦父創利涉橋兩為水圯桂馨重建以成父志歲凶為粥以飼饑民

有貧不能葬者給棺瘞之以貢任重慶府判居官十餘載毫不苟取有司旌曰孝義之門

侯關

邵武人幼喪父事母得歡心事兄猶父兄奉母家居關經商於外致厚貲至分析惟兄所欲嘗於旅

次拾遺金俟失者還索悉以還之不受謝一日在途欲歸視母遇風不便私禱曰得風當酬神巨魚忽順風不得泊岸沽魚以銀贖投河代之到岸有提一巨魚貨錢者闢買以酬神剖之得原贖人謂孝感

饒允中

字完初光澤庠生事親孝自幼迄壯未嘗離膝下父應斗廷試京師允中每繫思輒輟食母老

病瘋出入親自提抱母喜施捨曲意承順不少吝鄉邦稱之

熊高

建寧人父病藥必親嘗以腴田歸庶叔自擇其硤者歲饑出粟十餘石以賑事聞賜冠帶旌其門同

時有李時舉丁景衍亦以助賑受旌

朱承宗

邵武人事母周能盡孝母病昕夕不離聞有能醫者不遠數百里延致之湯藥必親嘗母不食

承宗亦不食母死哀毀勺水不入口絕而復甦者再既葬廬墓三年

余廷模

邵武人幼喪父傭酷以供母妻死不娶母病瘋竭力醫治撫摩不停母稍寐即焚香手膝跪禱

代死如此者三年母死號天幾絕既葬

廬墓朝夕省拜日惟一粥以延殘喘

傅三

邵武人家貧傭耕奉母一日母病思肉食三封股和湯以進母病遂愈同邑劉台卿年十八亦封股

愈其父母

上官一清

字介卿邵武人能文有孝行父病咳逆幾不起一清籲天請代和衣假寐於牀側者累月

聞咳聲即驚起泣下父痊始安枕後以貢任滿城訓導嘗遺俸貲告家人曰吾叨祿養親毋營產也其念不忘

親如此

龔立極

光澤人好善樂施萬厯間東南水荒道瑾相望立極輸千石以備賑勅賜建坊旌之

吳文茂

光澤人歷任保昌縣丞致政歸嘗捐貲建善利望仙二橋費皆數百金又出粟濟貧給棺送死

好義不倦

李崇教

建寧庠生父病割股和藥以進父立瘳子萬捷克承家訓母病若有神告之曰爾能效爾父則

母愈矣萬捷乃割股投藥中母果愈

督學鄭三俊旌其門曰奕世克孝

何達

字非聞邵武人邑西鄉田瘠水艱稼數不登達捐貲修築濟川陂圳溉田千餘頃遂成沃壤里有畫

錦橋圯於水達獨鳩

工庀材重建一新

孟養浩

邵武衛鎮撫家貧不能充饘粥母病危養浩哭禱於神割股和糜以進母尋愈及母死養浩亦

以哀毀卒

張希聖

邵武人生母楊氏年六十七以脚瘡久治不愈希聖焚香告天割已左脚肉如瘡大託言得藥

為裏患處越半月而

瘡愈時稱為張孝子

許魁

邵武衛軍天性至孝採薪養母母喜果實百計以供惟恐失其歡心一日母病思炙魁割股以奉同

時有鄰聞者光澤人母病

思肉不得亦刲股以進

曾思孔

字一吾邵武庠生事母孝菽水承歡疾則躬侍湯藥嘗赴試三山有賈人附舟遺金五十兩思

孔得之戒舟人勿解纜少頃賈人哭至思孔亟還之

請以半為壽力却弗受同邑有徐大用字寓庸王錫

祉字繁倩皆孝事

繼母尤人所難

龔大鵬

字朝輔光澤人天性孝友從弟逢時分析已久家計日蹙大鵬復以已產分贍之語諸子曰人

生最宜厚者宗族吾幸席吾父貲豈可置同祖兄弟
貧乏於不問乎又嚴於治家一門男女婢僕五十餘
人皆肅然有別子必兆字士行能佩父
訓篤孝行雖值亂離生養喪葬悉如禮

上官世安

字時震光澤庠生孝養父母母病日以舌舐
之撫弟世昌出已產與均為聘娶焉歲荒平

糶有貸不能償者輒焚其券晚年
放懷魚鳥著娛情集三卷行世

黃正晃

光澤人家貧盡孝義不苟取事父母菽水承歡
父母喪築廬墓側茶市火災正晃拾白金一篋

嘆曰此患難人之物也得之非義訪其家還之弟正
標以仇陷繫獄肩負以給其需人笑之曰昔子路負
米為親今汝乃為弟耶正晃泣謝
之後弟登賢書子軒曰有文名

龔上策

光澤人事親孝娶妻黃氏亦善事舅姑黃死上
策遂不再娶懼後來者不能如黃之敬養也自

是奉親益虔人
謂其義以成孝

上官世守

光澤人母病瘋湯藥起居奉侍唯謹兄沒以
姪為囑世守撫之成立延師教之常語人曰

姪猶子也有何異焉邑有死而
無歸者輒施棺助葬至百餘人

危應宗

字思寧光澤人明末荒亂日食二粥親族中有
孤幼無依者輒收養之因歎息曰與其獨飽無

寧同饑今幸我存忍令而
屬失所乎人皆以為難

張有元

字順所建寧人崇禎壬午歲饑民多菜色有元
首捐米設粥以賑民賴全活又周姓者以逋累

將驚妻泣別甚慘有元出二十金代償貸而貸
者輒焚其券里中婚喪無資者尤多方賙給焉

葉正元

泰寧庠生家於黃溪永興賊起脅使
從縛至水南唾罵不絕口遂被害

張能恭

字禮言邵武人少以孝友稱及長分異祖父遺

產悉讓其叔築室授徒奉母及弟邑有黃汝莅者為債主所窘欲投河能恭立解館穀十金代還之崇禎庚午領鄉薦第一同榜生黃熙義暴卒於寓出宴金十兩殯之內子歲饑力陳豫備之策著義倉五規隨出貲買穀三十石為紳士倡當事交薦題授知州以母病辭不赴杜門著書廉介自守國朝順治五年舉孝子旋卒所著有李忠定奏議選十卷禹貢訂傳一卷行世又春秋五傳合選天地大文八十卷梁溪全集十二卷藏於家

吳應鉉

字穆生郡庠生少負大志崇禎末年聞闖賊陷京師絕水火者七日夜號哭骨立而死其友李

欣春素與應鉉善亦以悲憤相繼歿

江豫

字象子泰寧人耿介豪邁有國士風明季亂知時事不可為遂決計殉國明亡與其弟復俱死之復

字來初妻戴氏亦赴水死

饒世淳

字景熙光澤人年十六為邑諸生值江右賊寇杉關守將宵遁世淳荷戈行間勵衆死戰衆潰

被擒不屈遂遇害

陳忠

字蓋廷泰寧庠生明經術明季武備廢弛忠以為憂會草寇竊發急招鐵匠入城鑄大砲置城上又

以鐵葉裹城四門白邑令諭民入城者各輸石一枚衆莫知所為咸厭其勞及寇至架雲梯及呂公車攻城城中大炮齊發亂石雨下梯車立破賊驚潰城圍立解

國朝

龔貴巽

字首元光澤人有奇氣順治戊子曹冠三十六營據險為巢聞貴巽名逼致之授以偽劄貴巽

夜奔入郡請發兵殲之身為鄉導奮勇先登擒其賊首事平郡守題其門曰義士

李品奇

字平仲光澤庠生順治庚寅張冠肆掠蹂躪七都品奇出避道遇二賊醉呼使搔背品奇曰我

秀才肯為爾狂賊作奴隸耶賊怒叱曰豎儒安敢爾鞭之令跪終不屈乃殺之臨刃罵曰使酒賊爾殺我我必為厲鬼殺爾賊首聞而壯之殮其尸且曰秀才豈為厲者顧李秀才烈士也不可宥其仇以養禍縛二賊跪品奇柩前飲之酒而殺之

王一章

字君恕邵武人母蚤卒繼母某氏性嚴厲竭誠盡敬得其歡心居喪苦塊如禮既葬每大風雨

必奔趨墓所省視悲

泣時有純孝之稱

鄧鳳梧

邵武人順治丁亥建州陷邵郡山寇竄起焚掠繫鳳梧馬前加刃於頸令先導索山中富室鳳

梧寧死弗從遂共磔
之一鄉皆免於難

黃正標

字伯準光澤人博學敦行值戊子寇燹之餘丁
少田荒稅額未減徭徭騷然正標條利弊數十

言達諸當事由是蠲荒徵熟之令下壬辰寇訐親故
流離正標家無擔石冬著單衣輒約已周人無吝色

順治甲午魁鄉榜
授青辰令未任卒

吳拱德

邵武人順治初鄰寇楊寶入界掠男婦九人其
子與焉寇索贖拱德傾囊持三十金詣寇贖九

人寇憐其義許之更令益以十金拱德曰九人饑疲
命懸須臾能再延一日夜半請釋衆人以吾子質寇

遣八人還拱德再
貸金往乃贖子歸

謝光惠

字連若郡廩生母蔣氏病三年朝夕親湯藥調
飲食每夜焚香露禱母病漸愈嘗董脩學宮凡

出入無所私學使者宋徵輿陸求可先後獎之

熊員

字仰泉建寧人每凶歲必先開廩平糶為閭里倡日計糶者家口之多寡而均應焉或貧甚莫措者周之無吝色順治丁亥歲大饑佃人逋租至二百石員概捐弗取有從子貧而蚤卒員為撫孤臨卒猶遺命其子創三溪橋以濟徒涉

吳鏵

建寧人以鹽筴起家嘗往來三山道經困關值蜀人赴官三山驛未抵任死遺一婦一女喪不能歸困關諸惡少矚女有殊色居為奇貨因詭為稱貸殯殮而計且鬻之平康適鏵至具以告鏵入室叩婦曰若蜀人有商且宦於此者乎曰有中表某丞浦城奈遠何鏵遽諭遣諸惡少出橐中金償之旋送母女至浦城丞處不告姓名而返

謝聖伊

字魁宇建寧人事繼母孝繼母不悅其婦聖伊出之更娶婦有娠矣繼母又不悅又出之其父

曰嘻甚矣命迎其婦歸聖伊貸貧人粟多不取息兼通醫客河南值大疫問症施藥所活甚衆有僕供役十餘年念其父無他子畀以金使歸養鄉人遺金於途待道左還之伯父老無倚迎養於家始終如一

龔振秀

邵武貢生順治間邑苦輸糧之役里甲輒破家振秀毅然捐數百金請納水脚官收官解永為

定例至今人皆德之

黃金鉉

字守正邵武人髫年失父事母余孝家貧力學菽水盡歡康熙六年舉孝子己酉領鄉薦耿逆

叛逼脅受職拒之幾蹈不測賴許鼎營救得免後以母老絕意仕進母卒哀毀骨立

梁啟陽

泰寧人祖有跛疾啟陽以身代杖以手滌穢者二十餘年嘗見道旁遺金守之弗去失者至還

之堅欲分謝辭曰吾貧乎何還為既還矣何謝為竟不受

汪濟南

字涵巽合州州同致仕家居嘗置義田以贍宗族析居宅以廣泮宮會縣請修鹽埠城級濟南

慨捐已貲以給工匠縣令洪濟高其義行贈以詩焉

陳大儀

字六子建寧人性甘淡泊自奉儉陋有以窮乏告者賑貸之佃貧而逋負者焚其券嘗捐貲修

築護城溪岸建表忠祠以祀守上殉難之官凡橋梁要津次第倡造應康熙十二年歲薦卒著有書稼堂詩集奇

門外書

王國昂

字季駒建寧人明饑寒施棺槨捐貲建查口及永城集福兩橋時推盛德

姜正章

字公憲建寧人康熙甲寅耿精忠反山寇蜂起劫掠民婦有姑嫂五人被繫正章惻然出百金

代贖有舟子操舟載客舟漏貨沈將驚妻以備適正章攜銀五十兩買山夜宿鄰店聞夫婦泣別聲詢其

故傾囊

贈之

許鼎

泰寧人素尚俠自號武夷子家貧為騎卒康熙中寅總督范承謨以罵賊被禁守卒百人鼎獨義承

謨所為陰左右之三年如一日承謨嘗作武夷曲以贈丙辰承謨遇害逆焚其屍棄之山野鼎夜行亂石宿莽中搜遺骸藏於家明年負骸走數千里達京師以聞是時衣冠數輩助逆煽焰而匿忠貞尸者騎也卒

黃瓚

字君式光澤庠生耿逆變亂抽兵刮餉瓚竄匿山中王師克復北鄉餘孽竊發搜山得瓚怒罵不

屈死

謝邦協

字克一建寧人領康熙壬子鄉薦甲寅逆變逼令受職義不為屈避僻村土城中丙辰逆黨以

火攻逼令出仍不屈闔門遇害

謝國樞

字在紫建寧歲貢生康熙甲寅逆變亂逼受職不從有勸之出者國樞曰祿山之叛附偽者唐

以六等定罪爾獨不聞之乎聞者咋舌而走海寇內訌家人悉逃母高氏老年垂斃侍奉不忍去賊義而釋之邑令溫光涵以兵變殉難國樞賻贈其妻

子歸樞太原子紳廩貢孫鐘齡雍正甲辰進士

毛錦生

光澤人康熙十三年耿藩逆黨蹂躪村邑當事以錦生為北鄉練總大兵進勦身先鄉導摧

鋒陷陣手格殺賊時賊有不怕官兵千千萬只怕練總一個毛之謠因密謀設伏誘錦生出戰以衆寡不敵被擒死之

郭任

字斯覺光澤人郡廩生母年六十八瞽斯覺涉四方求醫療治不效常以舌舐之三載復明又同邑

李克明家貧事父至孝父病思肉不得乃割其股暈絕復甦烹以餉父父病遂痊

黃文謨

字啟烈光澤人妻吳氏生二子而卒文謨年二十五誓不再娶與弟文楷竭力養母深得歡心

教諭張霍贈以詩有五十三年琴不鼓九原相見韵如何之句

蔡旭初

光澤人與張端甫鄰居家甚貧端甫身孤子幼蓄有數十金值耿亂端甫將挈子他避乃以金

密囑旭初藏焉而其子且未之知也端甫竄卒旭初往弔歸其金封識如舊衆嘆服又同邑黃末家貧販鹽得途人黃時愛遺金還之更為酒食留宿而別

黃忠

光澤人性剛直與人然諾不欺里有忿爭得忠一言而決庚申山寇猝至忠不為屈遂遇害

江瑞愷

字泉叟泰寧人好義樂施凡貧而無殯者助棺一具米三斗晚歲以捐粟助賑授散秩

丁日章

字文遠建寧人康熙丁丑歲歉捐穀賑饑民賴以蘇溪源有鬻妻償逋者三人日章各代為償

夫婦復合
年九十卒

高調鼎

邵武人父母歿卜葬光邑廬墓三年為山賊所掠忽夜半有神趣之走得免人謂孝感

方啟元

邵武人年十歲喪母父貧啟元稍長肩販以供甘旨年三十娶王氏善體夫志事舅甚謹雍正

二年舉
孝行

傅天奇

邵武人家貧以孝聞耿逆亂有逆黨掠順昌民婦停其舍已而偽將逃天奇訪其夫家還之年

八十
餘卒

官禮卿

邵武人康熙三十六年米價驟踊人多閉糴貧者不能舉火禮卿登數年所積開倉遍賑須臾

而盡了無德色又於四十

六年罄貲濟饑邑人感之

魏麟生

邵武人國學生嘗捐貲助修學宮康熙三十六年米價騰貴擇貧者給之多所全活

江大賓

泰寧人生數月父遊學京師轉徙山陝落魄不歸大賓稍長痛不見父誓不欲生俄聞父在漢

中遂辭母往會貧且病長途孤影瀕死者數矣抵漢

中不宿旅舍席荒郊蔓草中號泣周詢久之得遇扶

歸父時年已七十人問

以尋父狀大賓諱之

鄧成珠

泰寧人家貧父蚤卒傭於廖距家數里日乞米一合昧旦趨送母所旋返供主役已而母目盲

不能炊乃負母依主家旁舍朝夕手自飯之久而主

有微言成珠曰某自減餐奉母不敢重累主人晨昏

弗懈便溺必親者五年母卒日夜長號聞者流涕葬畢辭主人不知所之

汀州府

宋

王格

字伯庸長汀人家貧授徒與陳軒厚元豐間軒來守郡割俸錢五十萬饋之格悉歸諸郡庠置田百

畝膳生徒汀學有田自格始子宗哲明哲宣哲皆進士濬哲貢太學累贈朝奉郎

李子圓

字含方連城人讀書惇行端平間寇掠本邑子圓率弟子應子榮男文輝文壽孫榮茂與賊力

戰弟男俱被害賊死傷過半尋遁子圓與孫榮茂入石門巖學黃白術以老

陳大忠

長汀人與弟大節大勇大智為漳人禦寇有功漳人祀之

曾先

字彥登長汀人少任俠朝旨下汀募義戍邊時畏縮無敢行者先獨倡勇應募得十餘人郡守傅康

嘉之俾率以往隸黃州屯

住累功遷武顯郎知南軍

雷三益

清流人魁岸有勇畧景炎初文天祥開府汀州招集義兵三益及三子丙戌庚應募父子皆死

王於勤

元

賴生

清流人初官軍下閩母陷軍中既長南北走萬里尋母閱二十年得於杭州脫名官籍奉母南還

賴祿孫

寧化人延祐二年贛寇亂祿孫負母挈妻子入山賊至守母不去寇欲刃其母祿孫以身蔽之

曰寧殺我勿傷吾母時母病渴祿孫含唾哺之寇竊窺相顧嘆駭不忍害反取水與之有掠其妻去者羣

冠責曰奈何辱
孝子婦使歸之

郭從吉

長汀人勇敢過人上抗冠發衆延之捍禦從吉仗義往約必殲盜乃已盜懼而退遂闢治荒蕪

招撫流亡為一邑
保障授攝上杭事

雷添祥

清流人至正間江西寇鄧克明掠邑添祥同父吉匿倉盈山中吉患喘嗽賊聞聲拽出索財物

無所得欲殺之添祥抱父號泣求
以身代賊竟殺添祥時年二十三

伍宗堯

清流人盜起邑人推宗堯為長集士卒設方畧以禦之江西寇鄧克明犯境宗堯與禦經月弗

克賊說之降不從與其子希稷希明希周希配率兵決戰奮勇突圍父子俱死寇亦退去邑人特祠以祀

李仲德

連城人與子良能良弼良智良明素負義勇值紅巾寇連城仲德倡衆遏之東勝深入父子五

人皆
死焉

林茂輕

連城人歲歉出米賑給捐貲建林公晝錦
二橋復作遺訓以教子孫年八十四卒

陳德沂

上杭人與弟德漢友愛四世同居元季寇亂德
沂負母避難福安道遇賊傷臂冠平奉母還產

業耗失承歡
至老不衰

明

張愛

上杭人洪武間溪南寇攻縣衆推愛為隊長與梁
文彪等力戰斬首數百復隨官軍搗穴深入被執

罵賊不
屈死

周子禮

上杭人洪武間鍾子人等寇縣子禮與衆約能
敵賊者罄家業酬之時張愛為民丁隊長偕梁

文彪率部以應子禮出金賞衆不足盡出其家人首飾布帛器物又不足以田產立券給賞城中有缺食者復出米粟賑之衆賴以安

張子才

寧化人永樂間舉茂才不起以力耕課子孫景泰中納粟賑民辭官不受

董永恕

連城人孝事二親友愛弟姪有田荆風嘗置義田以贍族人罄家粟以賑一邑八世不分居一

門仁讓子昱孫世堅俱以儒顯

伍祐

清流人寄籍歸化宣德間邑大饑就祐食者口千計祐為粥飼饑民者閱月以貢授定安知縣母老

乞歸

雷得昌

清流人奉親謹澣衣滌器必躬親或過姻親與兄弟共舁之不任童僕歲時祀先涕泣交下成

化中邑大饑其子良慨然以五百金出貸不能息者免之甚者為裂豕隣里歿無以殮施之棺道路圯壞

加修治焉

童得慶

連城人沙尤寇鄧茂七亂時邑無城堡得慶與鄉官許浩志經畫冠鴈寨要害捐貲重葺率衆

拒守圍久不解得慶復出已貲數百金下寨理諭寇素聞其名解圍去時又有李應文者首倡建安東關

邑賴以全

魏得禮

清流人正統間沙寇亂賊將陳正景執知縣呂鏞欲殺之得禮請以身代遂與鏞俱遇害嘉靖

間配祀惠烈祠

邱銅寶

清流人正統間沙寇亂挈家寓汀郡賊攻汀城銅寶擇善戰者數百為陣三挑三捷次日復戰

又捷深入賊巢
伏發遂及於難

劉敬

上杭人幼孤事母孝正統己巳沙寇攻縣敬負母出避賊執之抱母號泣獲免母病含哺以飼人稱

純孝

丘人福

長汀人正統間出粟千石賑饑璽書旌義同時寧化伊彥謙亦輸穀千石為賑伊彥忠捐穀五

百石備賑皆賜勅
獎諭旌為義民

謝禮敬

清流人和平謙遜五世不分居力田為業年七十縣令欲延為賓謝曰野人疎散足跡不敢入

公門其高
致如此

江翰

上杭諸生沙尤寇發被執脅降之翰曰朝廷養我何為肯從爾狗鼠輩耶罵而死賊義之高語城頭

人曰上杭好
江秀才也

石厚 字伯載武平人以親老無他兄弟舍業終養親歿
未葬適大帽山寇發空鄉奔竄厚撫柩號慟寇感

去動

鍾浩 武平人性純謹不喜浮偽族有窮乏給
田贍之死不能葬買棺殯焉年八十卒

鍾廷鸞 武平人年二十父病篤感痛呼天割左
股烹以進父歿與弟姪共爨者三代

鄧瑤 清流人景泰間草寇繼亂攻掠村民駭竄至楊梅
逕逕挾賊追及瑤挺身與戰自午至申賊亂鎗傷

瑤胸賊退猶
倚石僵立

張秉和 上杭人天順六年溪南寇發
被執欲跪之大罵不屈而死

李子穆

武平人天順七年草寇犯境鄉多脅從惟子穆闔門守正遂俱被害

陳積玉

武平人性慈善家不甚裕而喜周急濟難力所能為惟恐弗及也歲荒穀價騰湧則糴之富室

減價以糴
價為之平

林梁

武平人力學好善建豐林橋修伏牛徑不斲數百金學使邑令先後獎賞

吳海

上杭人成化間賊發海率民兵擒斬賊首鍾三等若干人又戰於峽頭之麓中伏死

戴景禎

連城人成化間賑濟饑民賜勅旌義授官

黃表

連城人成化間建彭坊橋四座露橋二十六座時議築土城表鬻產輸工及彭坊橋燬子守約守慎

復建邑
人頌之

欽定四庫全書

賴思智

上杭人正德七年掛坑寇亂思智領兵搗巢斬其渠魁餘黨逃遁東勢深入伏發被賊支解事

聞贈武畧將軍立祠以祀廕其子楷為本所百戶世襲孫世華領兵抵浙力戰多功中流矢死贈秩立祠

鍾嶽

武平人習舉子業父老病感泣棄去養志為樂正德七年邑中兵亂輸粟數百石贍軍歲荒作粥以

者 飼饑

李元豐

連城人正德間武平寇作元豐奉檄隨邑令蔣璣討賊不利同被執死之鄉人肖像忠惠祠以

祀時有童玘江環李賤生俞世旺皆以勇士應璣招募及璣被執玘等直抵賊壘格殺並遇害詔賜卹從

祀於祠

舒經

武平人正德七年江廣寇發來攻邑城幾陷經捐貲搞衆出力併禦寇息疫興且饑復竭貲賑卹人

多德之

舒冕

武平人以貢入太學常遊胡居仁之門閨門雍肅三世同居父母有疾衣不解帶歿廬墓三年人欽

孝其

雷瑄

清流縣廩生父病割股和藥強寇橫行縣民驚竄瑄招集流散訓練固守城賴以全

陳璣

連城人嘉靖初寇楊廷蘭猖獗璣率眾守禦捕殺甚眾賊避去至陳屋坪會食賊潛入環攻璣等猶

手刃賊數十輩賊縱火燒廬舍遂遇害後祠於隔川額曰義勇

陳珪

歸化人與猶子鐸俱以膂力聞嘉靖初流賊攻城屢建禦寇功後賊劫沂州邑令敦請珪鐸討之既

陣殺十餘人賊敗走追之官兵不前戰死

林瑞連城人嘉靖初與彭翔胡一貫北上會疫作翔貫

瑞先後為殯以已資扶

兩柩南歸還其餘囊

揭崔

歸化人家貧母老採薪供養母病篤

思肉不能市割股以進母病尋愈

謝超

連城人商於外有負官緡者鬻妻為超妾超代償

而還其妻有盜謀劫超貨盜婦與負官緡妻善洩

其謀超遂遁
去年八十卒

李日杭

上杭人嘉靖二十年
盜寇鄰境與戰死之

林鐸

武平人嘉靖間賊過白鶴嶺鐸挺身殺賊

乘勝深入賊攢鎗刺之猶手刃數賊而死

劉皓

武平人嘉靖丁巳秋廣
寇出劫被掠不屈死之

劉金綸

武平人嘉靖丁巳廣寇出劫金綸以鄉長領兵至小溪口與戰死

劉僑

武平人嘉靖戊午春寇經白鶴嶺率義兵迎戰死之

練廷相

武平國學生嘉靖丁巳以擒賊功授冠帶戊午冬奉調漳泉征倭已獻馘受賞兵駐南安倭蜂

集廷相率衆力戰孤軍無援矢盡失道赴水死奉勅建祠立像春秋祀焉

周效良

上杭人嘉靖間廣寇梁寧等劫掠四鄉效良應募往禦戰敗被執賊脅之使從大罵曰我死必

作厲鬼盡殺爾等乃望我相助乎賊怒裂其屍從死者數人

李嘉言

字憲章上杭諸生嘉靖季山寇李占春既降復鼓衆謀叛嘉言應巡道金澍命往撫為賊所脅

厲聲罵賊曰寧碎吾身不負吾心賊友解之

童邦傑

字子龍連城人嘉靖間寇羅袍楊舜賴賜等犯汀會巡撫移鎮汀城邦傑詣軍門領招安檄直

入賊巢時賴賜原屬脅從邦傑察其情乘間諭以禍福因合謀置酒席間縛羅袍楊舜以獻餘黨悉散

廖顯玠

永定人嘉靖四十一年賊至母耄而盲負母逃賊見殺賊聞其素行悔之收尸殯殮

謝纓

連城人少順父志自任家督推誠待弟一錢尺帛不私嘗捐金重建文川橋鄉人德之

吳毓嘉

長汀人性孝友繼母鍾氏目盲以舌舐之父因食榴卒見榴輒感泣不忍食生母賴氏極被盜

匿去毓嘉跣足籲天披荆歷險獲歸安厝以歲貢授來安司訓遷湖口教諭歲饑所得俸資悉分貧士空

囊而歸

丘桂榮

寧化人嘉靖癸巳大旱歲饑桂榮量口貸米貧無償者置勿問買山為義塚力不能殯者施棺

葬埋之募工曲引列泉鑿地積水以供衆汲鄉燬于
寇貧民寒不護體為給冬衣一年子秉洪秉賢孫萬
山萬式萬鍾三代歷百餘年
皆好行其德守令交獎之

羅世禮

連城人嘉靖間流寇告警世禮踞旗石寨率子
福裕禎祥祉祗撫禦之時避亂人多糧少世禮

開倉分給
衆賴以全

林羽宏

連城人週歲失怙奉節母李氏極孝好周急厚
於宗族凡婚娶不備者助之死喪不足者給之

以哭母喪明有燃燈苦憶孤
燈夜執杖追思泣杖時之句

李世顯

連城人與鄉人林廷友善嘉靖間廣寇百人駐
營陳屋坪世顯往護賊黨驚散世顯中鎗因嘆

曰既全鄰家一身何恤
遂死邑令聞之旌其義

羅孟春

上杭人萬歷六年草寇猖獗孟春罄家貲助餉募鄉勇守城邑賴以全歲荒民乏食孟春盡散

廩粟

為粥賑饑親族貧乏者計口給米全活甚衆十

四年邑大水漂溺居民孟春施棺三百具僱工掩埋

又嘗捐貲於舊縣修路築橋以通徒旅藍丁兩姓妻女一逼於寇一逼於貸捐金代贖全其室家汀河有

拔頭磔怪石怒浪舟行多覆孟春出貲鑿石濬河期年工竣舟無覆溺之虞

李端

清流人道教連城謝姓遺金八十鎰還之邑令義其事欲旌之奔歸

伍壽高

清流人父福需外遊不返壽高鬻產辭妻于偏訪二十載始獲聚首人稱孝焉

賴一相

字時望永定諸生博學孝友嘗讓產於弟躬自舌耕餬口事繼母甚孝繼母化之嘗入粵歸遇

盜舟次呼曰天乎賴一相平生為人豈宜至此盜聞其名遂解去

李青員

連城人孝友樂施有張姓鬻田於青員得價五十金醉卧失之號泣欲死青員曰無害金可得

也復如數與之張匍匐感謝夜夢神人授榆一枝曰爾多陰功錫爾佳兒無何舉一子遂以名之後榆以

貢知靈山判

處州有治聲

李乾

連城人少隨祖華令保定華卒父扶柩還里途遇盜竄祖母及父甚急乾號哭哀告願以身代賊為

感動

去

沈長權

連城人每歲歉恒減糴出賑湖口溪當孔道行人病涉長權垂老以語子廷翰曰吾必橋此而

後瞑目長權歿廷翰踵成之孫文沂曰我祖繫心於此出地廓大費宮值湖口橋燬文沂曰我祖繫心於此出

千金

重建

邱文岐長汀人早孤家貧事嫡母孝侍母病衣不解帶疾劇嘗糞割股既葬廬墓三年朝夕哭奠

鍾孝

武平人天性篤孝事寡母甚謹母病瀕危屏人焚香兩臂以禱封股肉進之母尋愈後以子顯為貴

贈黃梅知縣

熊正宗

號復齋永定人早失怙廬墓三年喪葬盡禮性好義樂施與敦友于上杭令黃希禮親至其鄉

旌之時稱孝子里

李厚福

寧化人萬歷中大饑設粥食饑者一月又同邑陰明旦范雪伍忠節黃世明謝祥相伍典伍臣

周欽僕伊商佐陰光祥皆於萬歷甲午乙未間各輸穀二百石於官以助賑

伍可縉

寧化人家貧賣漿為活曲順父志得其歡心父喜博數負可縉肩販取直以償之父感化易行

母嘗患癰潰可縉吃之
而愈直指行部表其門

曾喬

寧化人父饒於貲好優伎微歌度曲無虛日數年
蕩盡至絕食喬躬負薪資養取楮積床頭備冬

月為父母禦寒具或雨雪連晨飲食不繼母怨其父
喬輒長跪請曰兒自命蹇於父何尤今幸壯健力足
供饘粥父母和美何用多金為母瘋廢不能尸饗喬
嘗運米數十里外蘊火為午餐刻期必返或日短不
時至父輒杖之跪受不敢怨有憫其勞苦私飯之者
必舍肉懷歸以奉父母四十年如一日辛若積貲二
千金貸人人負之喬亦不
取竟不能娶食力終身

童九棘

連城人父早逝事母及兄竭力盡誠萬歷
甲午歲大歉九棘破產市穀捐賑饑民

沈九祥

連城人早失怙事寡母克孝獨力營葬二親兄
弟連喪待嫂如母撫姪若兒同居合食不忍分

夔萬歷間歲饑

嘗出粟以賑

王道

連城人父早喪道賈粵東歸母適遘疾醫藥罔效號泣曰古有割股療親苟得毋痊子身何恤遂東

刀割股昏絕復甦調湯藥以進母疾旋愈

謝可賢

字改我歸化人歲大侵嘗出穀千石以賑又焚所貸券二千餘金後以子洗貴贈文林郎

梁一騰

武平人天啟七年冬賊入田療坊一騰率鄉兵迎敵死之從祀忠烈祠

李聯春

寧化人光祿署丞年弱冠以母巫氏病持素終身併修百里外津梁道路以延母年又自萬歷

至崇禎年賑饑七次計捐穀五千餘石一時貧民咸倚為命

賴思養

上杭人崇禎元年廣寇薄城思養募精銳殺賊授把總四年賊復起思養率族人賴君選與戰

於高梧
死之

廖希顏

武平人崇禎元年三月寇圍縣希顏從守備徐必登拒戰至藍塘官兵潰與必登俱力戰死巡

道曾櫻予優卹
從祀忠烈祠

林大疆

武平人崇禎初賊往來江廣間必經其地大疆率兄弟截擊俘獲頗多賊啣之圍其居膚肉幾

盡而死同時劉嘉
興亦與賊力戰死

林大弘

武平人崇禎初以邀擊賊衆傷七刃
甫畝而歸得不死縣給冠帶旌之

林大僊

武平人崇禎元年邑令巢之梁奉檄單騎詣賊壘招諭募壯士與俱大僊請以身從上下山阪

凡兩日夜經數十穴而歸及賊圍上杭當事下令搗穴搜捕大僊規畫各穴情形瞭如指掌因是賊首窮

感俘獲百餘皆
其密謀之功

陳元泰

武平人崇禎二年從征山寇奮勇先登論功受
賞三年春九連山寇發以滅賊自期屢奏奇績

賊恨之設伏遭
擒不屈而死

鍾運捷

武平人團練把總時流寇犯境運捷捐貲招募
義勇偕胞弟元捷雲捷統衆追擊至永平寨衝

鋒陷陣兄弟血戰而亡邑令義之祀忠烈祠時
有程可正者武平哨長亦以永平寨陣亡受旌

黎有綱

長汀人有文名崇禎間流寇犯境有綱破
產募兵郡恃無恐當事皆式廬延禮之

危台宿

武平諸生崇禎初寇圍城急台宿與
王士信縋城出陳說利害賊解去

伍就湯

寧化諸生四歲失恃事後母得惟心父卧疾就
湯扶掖躬滌浣三載居喪哀毀踰禮兄病願以

身代撫兄子不啻所生故人子有貸未還疾革頻以
為念就湯聞而嘆曰吾奈何以身外長物令佳士貴
恨乎亟持券造榻前焚之其人三嘆而瞑里有貧而
鬻子者既納券就湯念其祖有隱德召至家畀以身
算竟還其券巡道郁之章
高其行誼作彰善紀表之

伍日望

寧化學生善事繼母陰陰有心疾喜怒不常日
望百計承順務得其懽教異母弟如子早歲喪

妻不復娶慮不能事母致觸其疾也同邑庠生吳
永耀亦善事其繼母先後學使者均以孝行旌之

張榮誥

寧化庠生事母亟以孝聞人稱之輒愧沮邑累
舉孝行御史旌之益惶恐不敢當郡守唐世涵

勒其名於孝義坊榮誥見而慙赧曰烏有子事親而
可為名者乎及母卒嘔血數升月餘歆粥日不滿合
扶疾為母卜宅
兆未葬而卒

丘岳

寧化人父遠出得暴疾岳馳視垂死痛哭割股以進稍愈昇歸而歿岳竟以哀卒

錢文林

連城人慕義好施邑多虎嶺路峻嶮文林捐貲除治行人便之又改學建閘多所樂輸年八十

九卒子應魁

廬墓三年

李焜

連城人父卒祖母年九十有餘焜偕妻周氏左右就養朝夕不懈崇禎己巳歲饑傾囊賑濟多所全

活後以恩貢授程鄉令將赴任遭疾卒邑人哀之

羅脩

連城人事繼母以孝稱嘗有賈人廖姓亡金七十於橋上脩拾之即招還賈人願以半酬卻不受

吳天俊

連城諸生六世不分貲產天俊總家政少長有序衣食必均一門藹如

王欽誥

寧化人急病樂施邑令陳統解組窘甚欽誥贈金百兩統得發裝又捐數百金造起鳳橋石墩

三座瓦屋十
楹行者頌德

黃志傑

寧化諸生年五十無子嘗讀書郊外道由厠屋見柱懸已祓迄暮無收者守以待旦果有長沙

攸縣人哀號求索志傑訊之自言千金行賈耗折垂盡僅存百餘昨遺於此今當丐死長途矣志傑持還之其人驚喜出半相酬志傑曰吾年五十無子女已之家產不知遺誰况身外物乎其人叩頭祝誦而去次年志傑生一子後即為攸縣令人謂還金之報同時有連城人黃景暉者亦還江冲樞遺金數十不受其謝

陰祖善

寧化人有偷兒入其室祖善曰子為貧耳可傷也解囊金贈之慰勉而去有鄒氏子為債家所

窘鬻子婦償之將別哭甚哀祖善遽為代償還其婦因是退而自焚其券凡宿逋者盡捐之



伍福合

寧化人三兄俱亡遺孤六人撫之如子值大疫

福合首倡於本坊城西廟施粥貧民賴以更生族戚

貧者皆周給之有族子窮而鬻其女福合贖回治裝

嫁之邑令每稱其善行以為民勸

張兆鳳

長汀人偉軀幹多勇力崇禎壬午中武科癸未

成進士授遊擊未赴任聞闖賊陷京師呼天大

李魯

字得之上杭人少有志操天啟甲子舉人崇禎末

山寇蜂起魯條戰守議後隱福貢小邑令強之出

魯椎心大哭血淚迸落久之聲氣不續絕吭而死

丘夢彩

字熊生上杭庠生崇禎甲申聞闖寇之變時時

失聲哭一日攜書數卷飄然出門不知所終其

從兄諸生士麟與同邑諸生溫夢良皆趣跡荒山抑鬱發病死

鄒宗善

字本初上杭人郡庠生明亡走明倫堂痛哭歸

賢之訓曰仁與義殺身成仁舍生取義孝子忠臣含笑相視衣冠自經死

吳懋中

字允睿永定庠生嫡母熊失明漱舐七夕重醫如掃父好義急施予仰承色笑晨夕必請所與

知縣

周齊以孝義薦懋中曰此子職也曷足稱子煌甲戌進士及明末寇變一門八婦同夕自經懋中慨

然曰吾子死君吾婦死節天之玉我至矣遂遨遊羅浮鼎湖諸勝而歸隱焉所著有五宗文訣行世

李茂芳

歸化人明季盜起父竄山中為盜所掠茂芳甫十歲入賊巢抱父哭願以身代賊憐其幼而奇

其孝併釋父歸

國朝

黃中立

上杭人順治丙戌山賊寇縣士民登陴守禦一夕風雨暴作城上懸燈盡滅賊関薄城中立急

收斗笠千餘蔽燈燈復
燭賊遁去邑賴以全

謝獻恂

寧化人嫡母雷氏無出父客外再娶王氏生獻恂父死獻恂扶生母歸里奉嫡母雷克盡子道

雷卧病獻恂割股和藥以進隨
愈順治間邑令何鳳岐表其門

伍飛翰

寧化諸生以孝聞有異母弟貧不自存瞻之四十年無倦容戊子己丑間四鄉盜起有降怨於

曹坊者詆為盜藪防將高守貴計勸之兵已發飛翰
往止之曰將軍誤矣奈何以風聞飛語而肉良民某
願以百口保此坊無他
高乃返旆一坊以全

陰宜登

寧化人小字應壽生七日而孤三歲失恃寄養外家少好弓馬習技擊外祖母常以為憂姊告

之故宜登曰謂吾不能治生耶是何難遂經營諸村鄉與時轉移久之多得粟甲申闖變宜登謂家人曰大兵之後必有凶年憂其未艾乎乃出衣裝鬻之盡以市穀築廩貯之明年盜起城中乏食宜登詣縣自言請以家粟分給億民為邑中好義者倡時薛家坊最困乃籍戶口多寡每給斗米折銀二錢復出粟五十石就東郊龍門庵設粥廠男女各異所令子弟十餘人董其事於族隣則日授二餐曰共此一片土彼啼饑我鼓腹忍乎於是合邑聞風效義民以無饑

孔念厚

永定人順治丙戌廣寇破城賊欲殺其父厚乞身代賊遂殺厚父得免

李爾象

連城人順治戊子土寇掠邑爾象從積屍中負老母攜幼弟以逃難父歿沙陽雪夜奔喪哀愴

動人扶柩歸葬負土成墳康熙甲寅
取變沙陽偽鎮逼受職力拒遁去

黃開鳳

連城人採薪易米甘旨無缺順治戊子土寇告
警父病支床背負竄青巖里中途遇虎號泣呼

籲虎引去父隨卒於青巖質身為殮負土成墳弟死
江右母悲思不已開鳳奔往收骸以歸親歿每誕辰

忌日輒流涕不
食人稱其孝

雷動化

寧化貢生事親孝友愛異母弟推美田宅與之
姊寡敬奉終身順治二年山寇鄒華等肆掠動

化建議助餉守隘賊不敢犯六年叛賊郭天材率鐵
騎數千將來攻守將急令閉關動化力爭開門納避
賊男女無算明日賊果大集焚近郊民舍幾盡城中
乏食動化散家財數千金出米數百石煮糜粥募丁
壯以固人心賊不得逞十年草寇黃允會恃撫負端
殺庠士賴朝會巫建勲動化義心激切請兵勦洗賊

巢自是寧邑遂免寇害子益
孫常振列邑庠皆有門內行

蔣正春

連城人母吳氏死於寇正春聞拊膺大慟追擊賊於涯瀾嶺殲其魁餘黨悉遁因獲賊所俘男

婦悉歸之順治間賊陷連城正春率衆守寇莫敢犯又捐貲除道自賴源至永安湖口及曲溪計一百二

十里行人德之少年嘗遭蠱毒因精其方以施人全活頗衆年六十八無疾而逝

吳階泰

永定人母病刲股調羹以進友愛兄弟門內肅睦以平山寇功職都司祀忠義祠

吳祖馨

永定人力學敦行順治丁酉領鄉薦以親老侍養膝下絕意仕進耿逆亂逼令受職祖馨嘆曰

吾為親故未遑效命天朝顧乃俯首於逆黨耶去而逃之

饒其彥

武平諸生雅負才名明末邑中寇盜充斥其彥團集鄉勇捍禦有功順治三年寇侵上杭其彥

率眾與戰乘勝長驅為賊所害
巡撫張學聖憐其義烈旌之

賴世澄

字登如歸化諸生順治丙戌山寇蜂起邑數被圍世澄糾鄉勇捍禦城賴以完戊子己丑歲洊

饑道饉相望世澄傾廩平糶施粥賑饑儲藥物以救疾者邑人魏姓以逋負鬻妻世澄出金資贖俾得完聚又嘗捐貲募葬節婦賴氏鄉人咸服其義

王際泰

武平諸生負氣任俠順治戊子廣寇襲城際泰督鄉勇出戰死之祀忠烈祠同邑朱光球亦力

戰死

鍾和宇

武平人順治戊子流寇犯境縣檄和宇為千夫長率親丁冒矢石奮擊伏發為賊所執脅為鄉

導不從唾賊大罵死賊磔其屍士民哀之祀忠烈祠

陳老滿

字德勝順治五年流寇朱麻庸等衆數千屯城外將攻城老滿率衆奮擊擒斬甚衆寇定以功

授把總

林國材

武平人慕義急公順治戊子邑警於寇歲且大饑國材出粟製贖遍濟窮乏貧民賴之

危僻宿

武平人天性孝友好義樂施待母疾衣不解帶順治庚子寇犯境出粟賑貧全活甚衆

李言

字何言清流諸生以薦授兵部職方主事遷員外郎順治戊子歲大饑斗米五百錢富戶居積無所

得糴

父叅政于堅煮粥濟饑憂遠鄉老幼不能遍仰屋嘆息言曰無慮也兒尚餘五百石應減價斗米百

文按戶計口以糴復以上中下分派各富戶亦糴米若干石至新穀升而止他郡餓莩載途而清流民無

菜色皆李氏

父子之功

吳濟舟

字鼎黃康熙甲寅耿逆之亂山寇范儀等乘間竊發盤踞寧化清流縣界里中奸民湯成章父

子潛謀導賊入境所至村落為墟濟舟與其友羅大韶周曰庠謀立團練集鄉勇申約束擇能者使統領之首尾聯絡互相應援定計誘成章父子殲之賊聞率黨萬餘蜂至濟舟設奇置伏分隊迭進斬賊首千餘級賊乃引退丁丑余奇生等嘯聚劫掠濟舟復團鄉兵守禦辛卯歲饑設法平糶全活甚衆年九十一卒

陳開運

字而鈞清流人父病割股以進兄弟八人友愛無間言縣令賈漢儒旌之同邑庠生賴用賢字

鴻達

侍母錮疾十年躬調湯藥衣不解帶母歿苦寢柩側哀毀骨立五世同居人稱陳賴

湯祖相

字簡生清流諸生能文勇敢有膽氣土寇攻城祖相集衆得三百餘人出城間道擊之賊避去

蕭文南

歸化人順治九年賊圍姜坊寨文南率民兵往救與賊戰於張源殺其先鋒矢斃十餘人賊併

力格闢文南及鄧三九熊賤皆死之邑令嘉其勇烈為祠於陳珪祠左置田以備春秋之祀

李人鳳

字亦凡長汀諸生嘗為其祖母舐癰居父喪不食七日弟人彪亦割股療親疾時稱一門兩孝

子

李亭

字集蘭清流諸生甲寅之變四郊多寇亭撫几歎曰鼠輩猖狂誓滅此而朝食隨請於縣令招集民

兵開門率眾勦之至吳地鋪猝與賊遇民兵無紀律臨陣各鳥獸散賊殺傷三百餘人亭被執至塘背罵

賊不屈死

鍾璵

字友仲武平恩貢生孝事九十歲老母處兄弟友愛教授生徒累殺三百餘石康熙丁巳歲饑罄出

之減價平糶且為粥賑饑當事交旌之

鍾叶吉

字惟謙武平諸生康熙二十九年朱紹光據赤崗為暴城中男女驚惶叶吉首先捐貲修築城

垣聚眾固守

邑賴以寧

王喬榮

字朝仁武平人遇歲饑寒捐貲施衣食鑿大峰劍門河道舟行無患同邑王與字錫其嘗立義

倉數處又置義田三十畝以備賑恤

熊楚寶

字珩卿武平國學生值歲洊饑施粥三年全活數千人又構橋梁修道路施衣棺恤貧乏維日

不足同邑鍾復昌字維垣亦有義行彷彿楚寶

胡士銓

長汀人弱冠與父避亂山中食盡家人不敢出士銓潛自踰嶺竭蹶負米以供二親後析產以

腴田讓弟自取曉瘠父疾日夕哀禱焚香施金以祈父年

張振名

長汀人家貧負薪供母晨起治饔俟母盥洗畢躬進飲食日以為常郡守王廷掄禮之以勵俗

余萬春

清流諸生母病刲股調藥母卒哀痛以頭觸柱絕而復甦苦次歡粥茹素三年如一日

余生明

清流諸生事父母祖父母孝養備至姊與兄嫂皆寡祇奉惟謹撫甥姪有恩六世同居門內雍

肅

賴一德

連城人父超彥癸卯舉人甲寅耿變義不從逆潛匿山谷及宦楚病歸一德親侍湯藥衣不解

帶者二年父歿慟哭五日不食思慕鬱結竟得狂疾庶母何氏慟告父靈即日愈人以為孝感雍正五年

詔旌之同時明經賴延泰亦不受偽命潔身全節

沈友龍

連城諸生甲寅狀變作逆黨數逼致之友龍歔

友龍千里尋骸歸葬

謝義臣

連城諸生甲寅狀變負繼母林避難荒山以米奉母自採蔽蔽而食兄遭回祿以已居讓途拾

羅子光遺金追還之

江九功

連城人父璣患癰親為之吮事生母張氏繼母許氏俱婉順設立義塚瘞族中無祀枯骸捐置

義田以贍孤寡及士之貧者前後邑令交旌之

李日覺

連城人佃戶某母死謀鬻子以殯日覺罄所收租贈之

吳煥豐

連城人事父母負薪供養艱苦盡孝一門嫻睦七世同爨

李君郁

連城人貿易延津見途死者發之與友同客沙陽友覆舟喪貲計欲自盡君郁力勸曰子有老

母在何敢死

傾囊贈之

李身本

連城庠生母多病侍湯藥匝年不解衣帶母卒哀號慘惻廬墓三年奉養繼母尤得歡心已疾

不解父知晨昏省視仍不懈邑令以孝旌之

羅兆熊

連城人幼貧嗜學夜焚膏晝力作自給藜藿甘脆奉親母歿水漿不入口者七日三年絕葷

餓承父志賑活鄉人莒溪虎患捐金募壯士除之

張國龍

連城人父死二旬而國龍始生既長痛未識父面嘗至墓所哀慟不忍返有藥石涯首以貧鬻

妻贈金贖之鄉寇焚掠力救魏維生得活上杭莫君愛客死於粵捐貲殯之壽百歲

薛應吉

上杭諸生先是山寇張恩選劫掠四鄉父被執應吉奔赴贖回乃矢志滅賊會巡撫張學聖駢

兵汀郡應吉請統鄉勇揭賊巢恩選走平和中砲死餘黨悉平康熙元年粵寇賴了婁嘯聚襲破高梧蘇姑等鄉邑令封珂檄應吉統鄉勇攻破其穴斬了婁奪所掠婦女二百餘口十五年海寇吳淑等謀踞邑城應吉率衆堅守七門寇遁去事聞授州判

范夢虬

上杭諸生事親篤孝所得生徒羔雁皆以奉父速賓娛老父母卒三年不見齒服除哀慕不衰

初總督姚啟聖帥師海上父為捕盜者株連夢虬挺身就縛赴漳鞠拷幽繫經年寃始白啟聖以此知夢虬委理糧運蕩平後欲上聞而官之夢虬以父母老力辭啟聖益歎其賢

黃金元

上杭人五世六十餘口同居同爨門無詬諍之聲

何榛

上抗貢生父卒三日不食母勸之始一舉叔貧無後為擇繼嗣且割腴田養之伯兄病療仲兄患痢

躬為抱持不避污穢學博楊司訓鄭相繼卒厚賻之且助其櫬焉

胡逢亨

永定貢生事親孝康熙丁巳歲饑傾廩施粥鄉民黃井生幼聘詹氏既而兩姓俱貧欲離逢亨

亨捐金周恤俾克完聚海澄有鬻其子者逢亨知為儒家子贖歸之憫蛟潭河渡覆溺為虞捐田以給渡

工又修造下洋福廣山和寧庵等處橋路為利甚溥雍正九年祀鄉賢祠

吳雲芝

永定貢生以孝友稱甲寅逆變逼授偽職棄家逃深山邑東關橋水衝激人病涉雲芝揮二百

餘金倡造歲饑捐賑復置田數十畝以給族人圖役之供雍正九年祀鄉賢祠

盧英

永定貢生事嫡母生母色養惟一舅氏無嗣英收葬其所遺祖骸十餘棺且置田以供祭掃邑令延

為義學師以累年積穀供生徒膏火又於撫溪河澗倡立渡船捨田以膳舟子人免病涉雍正九年祀鄉

賢祠

廖季翹

永定人侍奉父母雖處窮約而洗腆必豐母病

惟恐失德貽父母憂雍正

正三年詔旌其孝

陰上升

寧化貢生嘗發粟賑鄉里又逆旅中全貞婦節操以義行聞

曾弘宇

歸化人順治戊子寇掠四郊弘宇挈家避邈谷一日賊至其妻吳氏為賊刃死弘宇糾丁壯數

人伏險隘以伺賊次日賊果驅婦女二十餘人過其地弘宇手斃三賊乘勝追擊賊迺退奪所掠婦女遣

歸境獲安康熙丁丑歲饑米價湧騰弘宇發粟減價平糶鄉閭德之年八十二卒

蕭徽聲

歸化人十歲時生母李氏卧疾支床晝夜侍湯藥及卒哀毀踰成人順治丁酉膺歲薦任侯官

教諭康熙甲寅耿逆變作徽聲微服出城潔身歸里人稱明哲

李夢憲

字昌臣武平監生母患瘋疾出入背負歷三十餘年宗族貧乏皆濟之康熙甲戌歲荒捐穀賑

之辛巳邑民半罹水厄瘞之壬午歲又饑復賑之

李崙

字持山武平例貢孝親睦族輕財好施雍正丙午歲饑出穀五百餘石賑濟貧民當事重之

羅士質

字亦文寧化人父歿事大父孝出入扶持者二十餘年里中貧不能娶病無醫藥者資助之辛

卯邑大饑士質散給粟數百石邑富人戶相慕效全活無算壽八十八卒

童聖化

武平人父病足母病齒癰負穢持甚聖化飲食起居親自扶持不稍厭倦父母歿廬于墓側嘗

于中赤溪置渡船以濟病涉者其他義舉皆竭力為之雍正十年詔旌其孝

福寧府

宋

陳嗣光

字朝倚寧德人時舉孝廉縣以嗣光應主簿陸游立孝廉坊旌之且贊曰吾觀朝倚孝普閭里

報不在身
必在其子

黃裳

字元吉寧德人少有奇節應絕倫異等科淳熙間魁南宮武舉正奏以才見稱歷典三郡俸入輒給

親舊任子思必先兄子而後已子人高其義終武節大夫

余夢明

字明甫寧德人事親至孝一日庭生異花逾月不變人謂孝感所致子士武士成並登科

王士奇

字穎叔福安人初以鄉試赴省聞弟達州教授

知章訃不赴廷對即往蜀護其喪以歸後就試

當得官以母老乞祠當國者高其行注莆田法曹真

得考嘗語當路曰王法曹文行俱美尤孝於親當於

古人中求之尋以奉議郎賜緋致仕自題其門曰立

行執先須孝弟傳家有後是詩書所著有諸經釋疑

諸史節畧及
宜拙平心集

孫文祥

福寧人嘗投宿霍童夜半聞主人慟哭問其故

曰吾子將鬻此屋明旦當遷祥曰吾為汝謀勿

慮旦視寢處乃荒塚頃見衣緼祀者皆豪右率僕從

至將發塚文祥傾囊賑之得不鬻二子附鳳翼鳳皆

貴

鄭虎臣

福寧人字廷漸為會稽尉德祐元年賈似道安

置循州虎臣監之至漳州木棉庵虎臣曰吾為

天下殺似道雖死何憾遂拉
似道脅殺之殞於庵廁所

謝鑰

字若啟福安人性至孝居母喪哀毀廬墓終身不仕著有春秋衍義十卷左氏辨證四卷子朗載人

物

元

林大興

字於詩福寧人事父孝嘗剪竹護菊忽枯節生根垂地茁筍及父歿居廬塘中紅蓮變白至今

稱白蓮池

阮宗澤

字友仁寧德人來賓縣白牛寨巡檢後家居以禦寇力戰死之

王薦

字希賢福寧人性孝樂施父病篤夜禱於天願減年益父壽父絕復甦曰適皂衣神紅帕蒙首恍惚

語我曰汝子孝上帝賜汝十二齡矣遂愈母沈氏病渴語薦曰得瓜啖我渴可止時冬月求於鄉不得行至深灣嶺值雪薦仰天哭忽石巖中青蔓離披有二瓜因摘歸奉母渴頓止嘗為人立後治葬買棺置義阡以給不能殯殮者又賣田易穀賑饑宜慰司上其狀旌表之明太祖賜御製詩二首父疾精虔禱上天願將已算益親年孝心感格天心順忱惚神將帝命傳又母渴思瓜正歲寒那堪山路雪漫漫雙瓜忽產空巖裏歸奉慈親疾痼安

明

鄭旭

字以升福寧人蚤孤未冠母病劇夜籲天剖肝和藥以進母遂愈

池斌

字仕全正統末節茂七黨至其鄉時斌外出賊拉其父熾火灸之以脅財斌聞至賊所抱泣請代賊

疑其詐釋父灸試至焦爛不
悔因得與父放歸後以壽終

林文盛

字用質福寧人母黃氏篤疾剪腕肉糜以進粥
沸異常母疑問之不敢實對家人亦無知者後

見腕痕乃得狀父嗜鱸見鱸輒
流涕必致以薦有終身之慕焉

李然

字子炎福寧人父病篤割股肉和粥母病
痺八九年扶持浣滌及歿親負土石營葬

李宗敏

寧德人治家嚴肅性好濟人成化十三年大饑
宗敏傾廩賑給又罄其服器首飾質穀數百石

以足其賑時又有陳輅
者亦施粟千六百石

鄭師

福寧人以鄉薦為宿遷司訓值鄉人解果上京果
壞涕泣求濟師傾囊與之又福安張景真遭剽掠

與師昧平生助以路費宿遷令高某與師不相能
師每稱令之賢於顯者令間愧服遣二子就學焉

張子成

福寧人性好義有友人逋官銀被責甚急將鬻妻女以償子成代之輸又佃私割子成稻百餘

石而逃隣佃追獲其妻子欲投水子成親詣慰而釋之時稱大德張公

吳楠

字彥芳福寧人性謹信處必衣冠口無戲辭面無厲色事兄彥高恒敦敬讓教人先自不妄語始應

人求必稟命所尊而後與之鄉人有爭為解釋嘗同二人赴省貲各百金至寧德遇賊其二人以目指楠楠出已金悉與之賊詰取二人貲楠悉為隱諱至脅以刃割其耳卒不言著有恪齋稿

池貴遠

福寧人正德三年里中大饑貴遠鬻業市米為饘粥以施饑者全活甚衆

陳炤

福寧人少孤貧母病劇醫弗效籲天減年復割胸取肉調粥母痊炤竟以創歿年二十四

繆文昂

福寧人母陳病甚文昂割左股煨粥母愈壽至八十一文昂初無子至五十生二男壽亦八十

三

胡昇

字彥明福寧人每夏秋之交有不給者出貲賑之不足則益以釵鉅一日道拾遺金首飾坐候其人

還之正德九年率子弟為鄉人捍海寇被鎗死人哀之

蔡志仁

壽寧人嘉靖初流寇聚劫隣邑志仁與周日大奉檄領兵招捕賊勢猖獗衆皆散遁二人獨當

其鋒挺身陷陣斬首數十級衆寡莫敵被執不屈死

吳克恒

福寧人以腴田遜兄自取薄瘠者又代孤姪辦三十年糧差俾裕衣食以成其母之節

程伯簡

福寧人嘉靖丙辰倭萬餘攻堡伯簡選精壯居前殲弱者次之婦女裹首運石傳餐立於後更七

晝夜誓衆守禦輒犯矢石不撓沮倭馳二雲車至伯簡代樹杈格使不得近堞復以草烏弩及銃斃之倭

宵遁伯簡亦力盡死

城上鄉人祠祀之

彭驥彭騰

驥字德華騰字德高寧德人訓科正之子異母兄弟也性友愛無私財帛門內無間言騰

嘗公役遠回驥迓於石壁嶺相持悲歡交至驥或鄉歸騰亦如之年並八十終不分異

李泰

字文亨福安人任龍泉教諭剛方好義嘉靖十六年礦徒寇邑泰帥衆戰於萬壽橋死之

郭大科

字德漸福安庠生博雅篤行倜儻負奇節嘉靖間上坪坑徒哨掠大科率衆梟其黨已未倭寇

城捐金募毒箭手躬嬰餉守陴者及城陷與弟大乾同被害時有陳國初吳廷珙亦罵賊支解死皆志士也

白受采

百戶麟子嘉靖間麟守百鶴嶺倭陷寧德麟坐罪繫獄萬厯元年賊犯大金松山受采同弟祥

自陳願擊賊贖父罪以失援死松山當事
憫其陣亡檄州給銀優恤之出其父罪

王壽寧德人居家孝友有子七人孫十四人擇其能者
應門戶餘使竭力農圃諸婦各勤女紅三世共饗

庭無
間言

張仲業

寧德人性友愛處兄弟族黨有恩年四十無子
娶妾陳與其妻姚睦如姊妹已而生子同時刻

稍長相讓為兄仲業卒二子男女孫輩數十人三世
同居雍睦之風不愧古人時又有彭濟者奉庶母處
幼弟皆得其道
以謹厚稱宗閭

張文綸

寧德人貧甚嘉靖末倭寇來攻文綸舍妻子獨
負母山谷中遇誕日肩薪易酒饌為母壽人謂

避難何必爾曰不爾心不安同時有
徐元吉年十七祖母病割股食之

俞穡

字德茂福寧人性孝友不為私蓄分產悉推與兄弟穡歿後所居大樞猶在殯寢門不得開子昌文

號

哭門忽自開得扶柩出兄

稷

姪昌淑孫渾俱以孝友聞

郭鐸

字惟警福安人五歲孤母病刲右股進粥妹廢疾每外出必囑妻善視之躬築母墳闢室以祀遺像

云

周珉

字勝玉福寧人璞之弟少喪父哀毀如成人事兄如事父日侍兄食每更衣則為之束帶至白首以

為常後為虹縣教官以憂歸服闋將之任以白其兄

兄曰吾老矣兄弟相聚能復幾時珉感泣遂不復出

鄭仁

字克已福寧人事親孝年十六喪母父年八十出

入扶持冬夜以身溫席夏月揮扇躬濯廁器不離

左右

父歿

喪葬如禮

張案

字布文福寧人九歲而孤孝事繼母曾氏母疾侍

藥治棺百餘以給暴骨州守為署名於旌善亭以示勸

郭維周

福安人歲饑倒廩賑人不問姓名不責其償有

並出囊中如望與之其他建梁砌途為德甚多

劉廷舉

字國實福安人事繼母郭氏曲盡孝道郭生二

鬻進父歿分產廷舉逃別室聽繼母處分畢然後歸時服其孝

繆泮

字汝學福安人少孤事母孝母疾禱天封左股和

母歿喪葬一循家禮歲祭號泣如孺子聞者皆為感傷時又有陳華者家貧行孝葬親夜宿草間得寶珠

之應州判官李長
攝縣事立坊旌之

陳大位

福安人遭倭亂挾女出城賊欲刃其母大位以身蔽傷左臂因奮死搏賊賊墜壕始得脫又聞

其二弟被掠至羅源奉
母命入賊營計誘出之

陳鐸

福安人有鄰人鋤地獲金數百恐見奪夜寄鐸舍託譯安置人問曷不取之曰天與也託我而我取

之乎

鄭伯起

福安人謙和好義嘗兩出橐金為人贖妻邑中橋道多所修建

郭廷邀

字德望福安人三月而父歿恨未識父面每時薦悲不自勝奉寡母盡孝事兄如父二族姪蚤

孤撫若已子邑西隅火被災者誤認廷邀為舅卜授首飾百金謹封識詰旦尋其人還之

黃文聲

字廷韶福安人倭至邑遁解糧在州冒死歸護親柩族人暴骸為鬻地悉葬之有董禧五者遺

金歸欲自縊文聲

召還之人稱長皆

龔松

字堅夫寧德人幼喪父母稍長痛其嘗罹饑困繪像懸中堂每食必獻雖瓜果之微不獻父母不食

既冠人勸其娶泣曰親未歸七越數年葬畢始娶孤姪患惡瘡躬為扶抱洗滌傅藥其妻恐相染松曰兄僅此子但得存活雖相染命也

陳榮

字勉仁寧德人少孤事母孝妻亡恐再娶不當母心不復娶母久病湯藥浣濯無少怠時有里人林

崇仁亦孝
於其祖

陳仲節

字以文寧德人務木力穡於族之貧者雖累貸無償猶必調之里之貧者雖累歲通租必加濟

焉有盜數人竊其廩百石事露願還仲飾曰
貧不爾罪但不可再行取敗耳盜感泣去

林宸

字邦敬寧德人三歲父母俱喪伯父為之藁葬且
異穴及長改葬不辨母骨日夜悲哭一老人云血

滴之滲入者親骨也宸嚙指血滴骨入之乃奉
合父葬築廬墓側僉事舒春芳親造廬禮之

國朝

鄭一鶚

霞浦人以明經選州判官工文砥行人多引
重之同時有王仕嘉者三山人僦居福寧嘗還

人遺金施棺建義
塚有司為舉其行

林開燧

霞浦人事繼母孝雖受詈辱無所怨家貧以親
未葬久不娶諸兄弟窮乏者咸仰給焉精醫著

有活人錄以子祖成貴贈資
政大夫賜匾曰垂裕後昆

許大環壽寧人父早喪母張氏孀守大環力耕以供甘旨終身不懈母年八十有四大環六十有六怡

顏悅色依膝下

臺灣府

國朝

陳士俊

字子慶臺灣國學生其先為漳浦人父子多善行康熙五十七年大旱米價騰湧士俊出粟二

千五百石分四坊以賑存活無算又嘗建橋施棺置園地於諸羅以克義塚五十九年增置義塚於鳳山

新昌里

黃孟深

其先為龍溪人幼隨父瑞章至臺遂籍諸羅瑞章三子伯與季蚤卒孟深撫孤姪過於已子男

女四十八口同居合爨以耕讀為業內外無間言又有
王求李次者亦諸羅安定里人四世同居先後有司
表其門

永春州

宋

林程德化人慷慨尚義廣收圖史延宿儒合族子弟廩
而誨之舊傳邑治有水流丁羅簪纓之識程捐家
貲買邑前瀨溪之田數十百畝具畚開濬一夕天大
雷雨溪岸洋溢決流丁方子揚休政和八年成進士
孫洽瀛相繼登第

明

陳斌三

大田人與弟斌七俱以武勇名正統戊辰鄧賊寇漳斌三拒戰於桃源屢殲之以兵少遇害斌

七奉檄率家僮百人禦賊以功授桃源巡檢

吳廣二

大田人自祖江八居吳村至廣二凡六世同居竈不異薪帑不異財雞犬不異食婦織男耕不

聞外事一門之內有太古風

郭仁顯

大田人剛直樂義為一鄉表正嘉靖初歲饑鄉多寇警仁顯出粟以貸籍居人為保甲五家互

察日事生業夜按籍而呼不應者罰有警則協助人莫敢不至於是外寇不侵內盜不作鄉賴以寧

陳庸

永春人其先自南宋以來十二世同居世業農家範數則簡而整儉而可久寇入境過門不犯官府

累招不至嘉靖五年督學邵銳得狀深加獎嘆表旌之

李繁

德化人仁厚好施家素饒隣里待以舉火者百數十人方食時有叩門糴穀者繁投箸而起子孫請

俟食畢繁曰人猶待粟而炊吾獨忍飽乎嘉靖間綠林竊發繁被獲禮而歸之

陳永達

永春人不讀書而至性過人與弟永暹力稼治生白首不析箸遺訓男女各執其業婚姻嫁娶

一從簡儉而家漸豐饒至萬厯中五世孫大晟猶恪守不墮當道旌之

郭琛

德化人多財好施嘗出遊獲遺金待其人還之造龍津橋旋燬於火復傾囊再建凡道路有圯者砌

築之後子維翰為臨江府推官年九十無疾而終

陳福

永春人世居西溪以耕讀為業兄弟同居家建二堂以別男女飲食家範數條整肅簡儉世立一人

督家政婚娶祭葬量力辦治庭無間言至十二世福世守醇樸子孫未嘗一至有司之庭邑令柴鑣遣吏

禮獎量免
其徭役

國朝

李喬鍾

字彭又德化人雲階子順治戊子賊屯瓊山夜盜雲階柩質金喬鍾中夜挺身就賊以死求贖

賊義之令護柩歸庚子以明經赴試卒

龍巖州

元

李繼善

龍巖人至正間山賊作亂據縣為寨繼善倡義聚眾掩殺之盡絕其黨邑賴以寧

明

林京

龍巖人正統丁卯沙寇逼縣京團練鄉民助官軍守城力不敵偕其子綬入郡請師至龍門上坪為

賊所執脅使下拜京瞋目罵曰恨不斬爾萬段吾足豈為爾屈子綬跪請京叱曰人生當知順逆敢苟免

以虧忠義耶賊怒父子俱被害

丘存質

龍巖人沙寇之亂輸粟一千石佐餉與同邑蘇克善並著功績都督范雄欲奏官之固辭以子

昂贈順天府治中

王賢弼

龍巖人與林京謀破賊京被執死賢弼與兄用興匿山中賊恨欲搜殺之賢弼度不能脫謀之

兄曰我有三子且長兄子尚幼我出就死兄必得免父母老兄在吾無憾焉兄不忍次日不令兄知突出犯賊而死聞者義而哀之

郭大深

寧洋人嘉靖四十年山寇殺戮鄉民積屍橫亘大深盡收其骨瘞之橋潭林立為義塚子守博

繼其志每歲設祭通

庠為立父子尚義碑

連一貫

龍巖人邑諸生偶僮負竒好行陰德嘗分田六百畝以贍族人當事為建尚義坊旌之

魏果

龍巖人嘉靖間歲貢嘗赴省試有邑人王鏜寄白金四百兩鏜暴卒其僕挈橐逃去果抵家悉歸原

金及進京廷試旅次拾遺金二百兩知為江右曾信

所遺追還之信為嚴嵩宅相與道故嵩大嘉獎許授

部職果辭不獲乃托病歸後選無錫司

訓轉宿遷教諭遷遼府教授致仕歸

楊琛

龍巖人官長州府照磨蚤喪父事祖母胡及母曾備盡孝養母疾逾月未嘗就寢臨喪哀毀骨立友


愛胞弟督其成立創置田宅悉與均

分歲荒出積穀蠲賑里人祠祀之

國朝

魏士謙

龍巖人父隨祖任西寧衛經歷俱卒其地士謙往尋遺骸莫辨乃淋指血認得之負以歸



福建通志卷五十